

**2018KO APIRILAREN 26AN UDALBATZA OSOAK EGINDAKO OHIKO
BATZARRALDIAREN AKTA.**

LEKUA: Beasaingo Udaletxea.

ARETOA: Batzar Aretoa.

EGUNA: Hogeita seia.

HILABETEA: Apirila .

URTEA: Bi mila eta hemezortzi

HASIERAKO ORDUA: Arratsaldeko zazpiak.

BATZARRALDIAREN IZAERA: Ohikoa.

DEIALDIA: Lehena.

OSATZEN DUTEN PARTAIDEEN KOPURUA: Hamazazpi (17)

UDALBURUA: AITOR ALDASORO ITURBE

BILDUAK:

EAJ-PNV udal taldekoak:

LEIRE ARTOLA UGALDE
MALU VALLES FERNANDEZ
XABIER MATARRANZ RICO
NEKANE ZALDUA ESNAOLA
ENKARNI ARRIETA TELLERIA
JON OLANO ARRESE
ELENA RUIZ ZABALA

Beasaingo EH BILDU udal taldekoak:

KOLDO AGIRRE MUJICA
GARBIÑE ZURUTUZA FERNANDEZ
AITOR LARBURU IZAGUIRRE
MIREN AMAIA BARANDIARAN VELEZ DE MENDIZABAL
AITOR MARTIN URTEAGA OSINALDE
ZEZILIA HERRADOR GARIN

Socialistas Vascos-Euskal Sozialistak udal taldekoak:

SANTIAGO URDAMPILLETA DOS SANTOS
ANGEL REDONDO FERNANDEZ

OHARRA: EAJ-PNV udal taldeko, zinegotzi bat falta da, Hauteskunde Batzorde Zentralak eskatutakoaren alde oraindik kredentziala eman ez duelako.

IDAZKARIA: ITZIAR AROSTEGI APAOLAZA

Bileran, LURDES ALEGRIA LASA, kontuhartzaileak ere, parte hartzen du. Baita ere Aitziber Yurrebaso andreak, bat-bateko itzultzaile lanetan.

1.- AURREKO AKTA. 2018-03-27ko akta onartzea.

2018ko martxoaren 27ko aktaren berri eman ondoren, aho batez onartu da berarekiko aldaketarik ez dagoelako.

2.- KREDITU ALDAKETA. Kreditu Aldaketa. 2. Kreditu Gehigarrien Espedientea.

Ezagutzera eman da Antolakuntza batzordeko proposamena, hots:

"GAIA.- Kreditu Aldaketa. 2. Kreditu Gehigarrien Espedientea.

Honekin batera doan proposamenean zerrendatutako gastua egin beharra izanik eta hau finantzatzeko aurrekontu kreditu nahikoa ez dagoela kontutan hartuz, Alkatetza honek Udalbatzari ondorengo Akordio Proposamena egiten dio:

1.- 2. Kreditu gehikuntzen bidez 157.000,00 euroko zenbatekoaz eta eranskinean zehazten den moduan finantzatzen den kreditu aldaketa hasiera batean onartzea.

2.- Aipatutako akordioa jendaurrean jartzea, 15 eguneko epean bidezkoak diren alegazioak aurkeztu ahal izateko. Alegaziorik jasoko ez balitz, behin-betirako onartutzat emango da.

Zerrendatutako gastuak gauzatzea premiazkoa denez eta hauek finantzatzeko aurrekontu kredituak nahikoak ez direla kontuan hartuz, proposamen hau egin da indarrean dagoen aurrekontu egiturari egokituta.

Aurrekontuko kontu saila/ Partida Presupuestaria	Kontzeptua / Concepto	Kredituak / Créditos		
		Egunoak / Actuales	Aldaketak / Modificaciones	Behin betikoak / Definitivos
0350.601.153.20.03	Azp. eta urb.: Erauskin kalea / Inf. y urb.: Erauskin kalea	600.000,00	157.000,00	757.000,00
GUZTIRA / TOTAL		600.000,00	157.000,00	757.000,00

KREDITU GEHIGARRIAK FINANTZATZEKO PROPOSAMENA

Sarreraren kontzeptuak / Conceptos de Ingresos	Baliabidearen kontzeptua / Concepto del recurso	Sarrera handiagoak edota gastuetako bajak / Mayores Ingresos y/o Bajas en Gastos
870.01	Gastu orokorretarako diruzaintzako gerak./ Remanente tesorería gastos generales	157.000,00
GASTUEN GEHIKUNTZAK GUZTIRA / TOTAL IGUAL A LOS INCREMENTOS DE GASTOS		157.000,00

Hitz egiteko txanda eman ondoren, bildutakoek proposamenarekiko adostasuna azaldu dute.

Bozketa eginda, aho batez onartu da proposamena.

3.- PREZIOAK. Igartza Monumentu multzoko gelen erabilpenarengatik eta bertako sarrerengatiko prezioen aldaketa. Hasierako onespena.

Alkate jaunak Xabi Matarranz Rico (EAJ-PNV) jaunari hitza eman dio eta honek ondorengoa adierazi du: "gaurko proposamena, egun Igartzari ematen zaion erabilerari prezioak egokitzea da. Orain arte alde batetik, espazioen alokairua zegoen eta bestetik, sarrerak. Proposatzen honekin hirutan zatitua geratzen da: sarrerak, espazioen alokairuak eta hautazko zerbitzuak, hauek ere mantenu aldetik kostua sortzen dutelako eta geroz eta gehiago erabiltzen direlako.

Sarrerei dagokionez prezioa ez da aldatuko, baina prezio pribatuak direla eta, BEZ aplikatuko zaie. Espazioen alokairuarekiko egin duguna izan da, multzo monumentalaren espazio guztiak (ermita izan ezik, izan ere informazio puntua izango da) erabiltzeko prezioa jarri dugu aforoa zein den adieraziz. Prezio hauetan, %10eko igoera proposatu dugu, aspalditik eguneratu gabe zeudelako. Esan baita ere, erabilera sustatzeko egun kopuruaren arabera hobaria izatea proposatzen dela.

Ezagutzera eman da Herritarrak batzordeko proposamena, hots:

"GAIA.- Igartza Monumentu multzoko gelen erabilpenarengatik eta bertarako sarrerengatiko prezioen aldaketa.

Herritarren Batzordeak 2018ko apirilaren 19an egindako bileran, Udalbatzari, ondorengo proposamena egitea erabakitzen du

AKORDIO PROPOSAMENA

1.- Igartza Monumentu Multzoko gelen erabilpenarengatik eta bertarako sarrerengatiko prezioen aldaketa, ondorengo kopuruak ezarritz:

- a) Igartzako Monumentu Multzoko bisita gidatuak
Ez da aldaketarik proposatzen*
- b) Igartzako Monumentu Multzoko aretoen erabilera:*

Jauregiko gelak erabiltzea:

Areto nagusia egun erdia.....330€
Areto nagusia egun osoa.....594€
Areto nagusia 2-4 egun/eguneko..445€
Areto nagusia 4
egunetik aurrera/eguneko.....297€

Erakusketa aretoa112€
Erakusketa aretoa 2-4 egun/eguneko.....84€
Erakusketa aretoa 4 egunetik aurrera/eguneko56€

Hitzaldi aretoa egun erdia220€
Hitzaldi aretoa egun osoa.....396€
Hitzaldi aretoa 2-4 egun/eguneko.....297€
Hitzaldi aretoa 4 egunetik aurrera/eguneko.....198€

Bilera gela egun erdia112€
Bilera gela egun osoa.....201,6€
Bilera gela 2-4 egun/eguneko...151,2€
Bilera gela 4 egunetik aurrera/eguneko.....108€

Jauregia osorik erabiltzea:

Egun erdia449 €
Egun osoa808,2 €
2-4 egun/eguneko.....606,15 €
4 egunetik aurrera/eguneko...404,1€

Burdinola erabiltzea:

Burdinola egun erdia 220 €
Burdinola egun osoa.....396€
Burdinola 2-4 egun/eguneko.....297€
Burdinola 4 egunetik aurrera 198€
Burdinola erakusketak egun osoa...112€
*Burdinola erakusketak 2-4
egun/eguneko..... 84€*
Burdinola erakusketak 4 egunetik aurrera56€

Errota erabiltzea:

Errota egun erdia 220 €
Errota egun osoa.....396€
Errota 2-4 egun/eguneko..... 297€
Errota 4 egunetik aurrera198€
Errota erakusketak egun osoa.....112€
*Errota erakusketak 2-4
egun/eguneko.....84€*
Errota erakusketak 4 egunetik aurrera56€

IMMko areto guztiak erabiltzea:

Egun erdiz792€

Egun osoz 1.425€
2-4 egun/eguneko 1.068,75€
4 egunetik aurrera.....712€

Ezkontzak

Edozein areto erabilgarri.....100€/ orduko + hautazko zerbitzuak

Ordutegia:

11:30

12:30

13:30

18:00

19:00

20:00

“Lotura aretoa” erabiltzeagatik....52€

Kontratastak programatutako kultur ikuskizunengatik kobratuko diren tarifak. Kobratu beharreko gehienezko prezioa 20€koa izango da.

Hautazko zerbitzuak:

Entseguak edo prestaketa lanak orduko (gutxienez 3 ordu)..... 24,20€
Sonorizazioa egun erdia.....50€
Sonorizazioa egun osoa.....75€
Proiektorea egun erdia.....50€
Proiektorea egun osoa.....75€
Streaming zerbitzua egun erdia.....galdetu
Streaming zerbitzua egun osoa.....galdetu
Eszenatokiaren muntaia eta desmuntaia persona/orduko (gutxienez 3 ordu)..... 24,2€
Bisita gidatu pertsonalizatuak. Gutxienez 8 pertsona/taldeko.....60€
Bisita gidatu antzeztua. Gutxienez 8 pertsona/taldeko.....galdetu
Ekintza osagarriak (tailerrak). Gutxienez 8 pertsona taldeko.....70€
Zorua estaltzeko alfonbra.....290€

Prezio horiei BEZ-a erantsiko zaie.

2.- Aurreko puntuan proposatutako prezioak indarrean sartzean, deuseztatuta geratuko dira Zerbitzu publikoak eskaini eta Jarduera Administrazioak burutzeagatikotasen artean indarrean dauden “Igartzako Monumentu Multzoko gelen erabilpenarengatikotasak”

Halaber, “ Lotura aretoa” erabiltzeko eskubidearengatikotasen Hilerriko tasatatik kendu eta Igartzako Monumentu Multzoko aretoak erabiltzeko tasen barruan sartzen da.

Bestalde, ermita erabiltzeko tasa ere deuseztatzen da Igartzako Monumentu Multzoko informazio puntu izango delako.

3.- Gipuzkoako Aldizkari Ofizialean, Udaletxeko web orrian eta zabalkunde handieneko Gipuzkoako egunkariaren bitartez iragarkia argitaratuta agertzen den

azken egunetik aurrera kontatuta, espedientea jendaurrean 30 lanegunez egongo da ikusgai, erreklamazioak aurkeztu ahal izateko.

4.- Inolako erreklamaziorik aurkeztuko ez balitz aipatutako epea iragan ondoren, erabakia behin betirako onartutzat hartuko da eta beraz, testu osoa Gipuzkoako Aldizkari Ofizialean argitaratuko da eta akordioak ez du ondoriorik sortuko Igartza monumentu multzoko kudeaketa eta ustiapenerako zerbitzua berriro esleitzen ez den bitartean.”

Hitz egiteko txanda eman ondoren, iritzi hauek azaldu dira:

Koldo Agirre (Beasaingo EH BILDU) jaunak: “Gu abstenitu egingo gara, iruditzen zaigulako behar bezala ez dela landu edo lantzeko aukera gehiegi ez delako egon, baina ez erabateko desadostasuna dugulako.”

Bozketa eginda, ondorengo emaitza lortu da:

Aldeko botoak: 10 (EAJ-PNV, Socialistas Vascos-Euskal Sozialistak)

Aurkako botoak: 0

Abstentzioak: 6 (Beasaingo EH BILDU)

Horren ondorioz, proposamena gehiengo absolutuarekin onartu da.

4.- HITZARMENA: Gipuzkoako Foru Aldundiaren eta Beasaingo udalaren arteko hitzarmena, etxeko laguntza zerbitzua finantzatzeko.

Alkate jaunak Malu Valles (EAJ-PNV) andreari hitza eman dio eta honek ondorengo adierazi du: “Con este nuevo convenio se trata de clarificar conceptos y, entre otros, definir que cada ente abonará los gastos derivados de las competencias que ostentan. Diputación hasta el 2019 continuará con la cofinanciación de la ayuda a domicilio. Para ello es preciso cumplir una serie de requisitos que ya el Ayuntamiento viene cumpliendo, esto es: que el servicio lo sea durante los 365 días del año, que el servicio se preste con inmediatez tras la solicitud, que no sólo sea para personas dependientes, sino también para personas con motivos de exclusión, con problemas psiquiátricos y para situaciones puntuales, establecer una intensidad máxima de servicio de 4 horas/día y una cuantía máxima de la tarifa hora que está en 18,87 €/laborables y 22,66 €/festivos. El Ayuntamiento está por debajo de esas tarifas. El Ayuntamiento lo tiene fijado en 16,00 €. Diputación dice que si el Ayuntamiento cobrara como máximo 15,00 €/hora, tendríamos una mayor ayuda, pero en su día reducimos la tarifa y ello no repercutió de manera notable en la demanda del servicio y por ello entendemos que es una cuestión que no es necesaria abordarla.”

Ezagutzera eman da Herritarrak batzordeko proposamena, hots:

“AURREKARIAK

1. Etxeko Laguntza Zerbitzuaren finantzatzeko Gipuzkoako Foru Aldundiaren eta Beasaingo Udalaren arteko 2014ko ekainaren 23ko 2014-2015 hitzarmena, zein indarrik gabe geratu den 2018k martxoaren 20an.

II. EUDELeke Gipuzkoako Lurralde Batzordeak 2017uztailaren 7an egindako bileran Foru Aldundiaren eta Gipuzkoako Lurralde Historikoko Udalaren arteko finantza-fluxuen banaketa berri bat egiteko hartutako erabakia, 2017-2019 aldirako etxeko laguntzaren zerbitzuaren kofinantziazioari buruzkoa.

III. 2017ko martxoaren 20an Diputatuen Kontseiluak onartutako hitzarmen modeloa. Hitzarmen honek Etxeko Laguntza Zerbitzuaren finantziazio modelo berri bat ezartzen du.

IV. Idazkaritzako txostena eman da prozedurari buruz eta adieraziz onartzea proposatzen den hitzarmenak izaera administratiboa duela.

LEGERI APLIKAGARRIA

- 2/2016 Legea, apirilaren 7koa, Euskadiko Toki Erakundeei buruzkoa. 17,10 artikulua.
- 3/2011 Erret Dekretu Legegilea, azaroaren 14koa. Sektore Publikoaren Kontratuak arautzen dituen Testu Bateratua. 4,1d) artikulua.
- Gizarte Zerbitzuen 12/2008 Legea.
- 49/2015 Legea, urriaren 1ekoa. Sektore Publikoaren Araubidearena. 50. artikulua.
- 38/2003 Legea, azaroaren 17koa. Dirulaguntzarena. 2. eta 30. artikulua.
- 887/2006 Erret Dekretua, uztailaren 21ekoa. Dirulaguntzak ematekoa araudia. 34. artikulua.

Horren ondorioz, Herritarrak batzordeak Osoko Bilkurari ondorengo erabaki proposamena egiten dio:

Lehenik. Beasaingo Udala eta Gipuzkoako Foru Aldundiaren artean sinatzeko hitzarmenaren testua onartzea.

Bigarren. Hitzarmena sinatzeko baimena Alkateari ematea.”

Hitz egiteko txanda eman ondoren, bildutakoek proposamenarekiko adostasuna azaldu dute.

Bozketa eginda, aho batez ondorengo hitzarmena onartu da:

“GIPUZKOAKO FORU ALDUNDIAREN ETA BEASAINGO UDALAREN ARTEKO HITZARMENA, ETXEKO LAGUNTZA ZERBITZUA FINANTZATZEKO.

Donostia, 2018ko.....

ELKARTU DIRA

Alde batetik,

MAITE PEÑA LÓPEZ Gipuzkoako Foru Aldundiko Gizarte Politikako foru diputatua eta Aldundiaren ordezkaria, Diputatuen Kontseiluak 2018ko martxoaren 20(a)n egindako bileran hartutako erabakiaren bidez ekitaldi honetarako berariaz baimenduta.

Eta bestetik,

AITOR ALDASORO ITURBE, Beasaingo Udaleko Alkatea eta ordezkaria, 2018ko apirilaren 26ko Osoko Bilkurak hartutako erabakiaren bidez ekitaldi honetarako berariaz baimenduta.

AZALTZEN DUTE

I.- Eusko Legebiltzarraren 2008ko abenduaren 5eko 12/2008 Legeak, gizarte zerbitzuenak, erakunde publikoen ardurapeko zerbitzu sozialak sistema integratu batean antolatzen eta egituratzen ditu, Euskal Autonomia Erkidegoko esparruan zerbitzu horiek hartzeko eskubidea herritar guztiei bermatzeko.

II.- Aipatutako legearen 22.1 artikuluan Etxeko Laguntza Zerbitzua jasotzen da lehen mailako arretako gizarte zerbitzuen barruan, eta udalen eskumenekoa da zerbitzu horiek eskaintzea, 42.4 artikulua ezarritakoaren arabera.

III.- Nahiz eta, Gizarte Zerbitzuen 12/2008 Legearen arabera, zerbitzu hori eskaintzea udalen eskumenekoa izan, Gipuzkoako udalek eta Gipuzkoako Foru Aldundiak adostu dute, Gipuzkoako Gizarte Zerbitzuen Erakunde arteko Mahaiaren barruan, Etxeko Laguntza Zerbitzua kofinantzatzea 2017-2019 aldian.

IV.- Kudeaketa publikoaren eraginkortasuna eta Etxeko Laguntza Zerbitzuaren erabiltzaileentzako arreta hobetzeko, eta eskumen banaketarantz hurbiltzeko xedez, bi administrazioek bidezkotzat jo dute lankidetzak hitzarmen berri bat sinatzea, zerbitzuaren finantziario sistema arautze aldera.

V.- Bi administrazioen helburua da Etxeko Laguntza Zerbitzua kofinantzatzen jarraitzea, baina Foru Aldundiaren parte hartzea zehaztuko da denborari dagokionez, hitzarmen honen III. eranskinean jasotako erabakiak ezarritakoari jarraituz.

Hori guztia klausula hauen arabera

KLAUSULAK

LEHEN. – Helburua.

Gipuzkoako Foru Aldundiak eta Beasaingo Udalak sinatutako hitzarmen honen xedea da udalerrian mendekeen kalifikazioa dutenei eta arreta jaso behar duten beste kolektibo batzuei emandako Etxeko Laguntza Zerbitzuaren foru finantzaketarako baldintzak definitzea, Erakunde arteko Mahaiak aldeztu aurretik adostuta.

BIGARREN.- Gipuzkoako Foru Aldundiaren partaidetza ekonomikoa zerbitzuaren estalduran.

Hitzarmen honen seigarren klausulan adierazitakoaren ondorioetarako, Gipuzkoako udalerririk guztiei zuzendutako Foru Aldundiaren gehieneko ekarpena II. eta III. eranskinetan azaltzen dena izango da.

Hiruhileroko ekarpena urtekoaren % 25aren baliokidea izango da.

Adierazitako zenbatekoek foru ekarpenaren gehieneko kopurua finkatuko dute eta, beraz, kopuru hori ez da aldatuko, nahiz eta zerbitzuaren jarduerak igoeraren bat izan.

HIRUGARREN.- Ordu bakoitzeko tarifaren gehieneko kopurua.

Etxeko Laguntza Zerbitzuaren ordu bakoitzeko gehieneko tarifaren kopurua oinarritzat hartuko da seigarren klausulan araututako foru finantzaketa zehazteko, zehazki hauek:

- Ordu bakoitzeko asteguneko tarifa:
18,87 €*
- Ordu bakoitzeko igande eta jaiegunetarako tarifa: 22,66 €*

Udalak emandako zerbitzuaren orduko prezioa gehieneko tarifa baino txikiago balitz, foru ekarpenaren kalkulua egiteko erreferentziatzat hartuko da 2018. urterako udalean 2018ko urtarrilaren 1ean indarrean dagoen orduko prezioaren kopurua eta 2019ko urtarrilaren 1ean dagoena 2019. urterako, eta urtarrilaren 1ean dagokion urterako, hitzarmen honen indarraldia luzatzen bada.

LAUGARREN.- Zerbitzuaren erregulazioa.

Udalak Etxeko Laguntza Zerbitzua arautzen duen udal erregelamendua egokitu beharko du Gizarte Zerbitzuen 12/2008 Legearen eskumen banaketara.

BOSGARREN.- Ordaintzeko prozedura.

Gipuzkoako Foru Aldundiak hiru hilean behin ordainduko du, zortzigarren klausularen c) atalean jasotako hiruhileko naturala dagokion azken egunetik hasi eta hilabeteko epean, zerbitzuaren foru finantzaketarako aldagaiak, seigarren klausulan ezarritakoak, aplikatuzetik ateratzen den zenbatekoa.

SEIGARREN.- Foru finantzaketa.

Gipuzkoako Foru Aldundiari dagokion zerbitzu finantzaketa zehazteko, kontuan hartuko dira aldagai hauek:

a) Hiruhileroko fakturazioa:

Eskainitako zerbitzuen ordu kopurua hirugarren klausulan adierazitako zerbitzuaren tarifaz biderkatu ondoren ateratzen den emaitza izango da.

b) Koordainketa:

Erabiltzaileek egindako ekarpenen batura da.

c) Aldundiaren ekarpen teorikoa:

Zenbateko hori a) atalean adierazitako hiruhileroko fakturazioaren eta b) atalean adierazitako erabiltzaileen koordainketaren arteko diferentzia da.

d) Aldundiaren ekarpen teorikoa aurrekontura egokituta:

Udalerri guztiei zuzendutako Aldundiaren ekarpen teorikoei koefiziente murriztaile bera aplikatuz ateratzen den zenbatekoa da, baldin eta ekarpenen baturak gainditzen badu hiruhileroko ekarpen osoa, bigarren klausulan zehaztutakoa.

Koefiziente hori zatiketa honen emaitza izango da: Aldundiaren hiruhileroko gehieneko ekarpena, aurreko paragrafoan adierazitakoa, Aldundiaren ekarpen teorikoen guztizkoaz zatitzea.

e) Aldundiaren oinarrizko ekarpena:

Ekarpena izango da d) atalek ateratzen den emaitza - Aldundiaren ekarpen teorikoa aurrekontura egokituta bider % 75, hitzarmena indarrean dagoen bitartean.

f) Aldundiaren gehieneko ekarpena hobekuntzengatik:

Aldundiaren aurrekontuaren arabera ekarpen teorikoaren eta Aldundiaren oinarrizko ekarpenaren arteko aldea da, eta zerbitzuaren eskaintzan hobekuntzak finantzatzeko erabiliko da.

Hobekuntzak direla-eta Aldundiaren gehieneko ekarpena udal mailan nahiz maila globalean egingo da (udalerri guztien batukaria).

Hitzarmen honen I. eranskinean azaltzen dira hobekuntzen tipologia eta tipologia bakoitzari emandako ponderazioa.

Honela egiaztatuko dira:

- 2018. urtea: hobekuntzak udal erregelamenduan edo ordenantza fiskalean jasota edo, bestela, idazkariak egindako ziurtagiriaren bitartez edo Etxeko Laguntza Zerbitzua eskaintzen duten enpresen kontratuetan hobekuntzak jasota.

- 2019. urtea: hobekuntzaren benetako aplikazioa ebaluatzeko erabili beharreko adierazleen formula kuantitatiboaren bidez; formula hori Gipuzkoako Gizarte Zerbitzuen Erakunde arteko Mahaian adostuko da, horretarako eratutako batzorde teknikoak proposatuta.

g) Aldundiaren lehendabiziko ekarpen eraginkorra hobekuntzak direla-eta:

Udalerrian egindako eta egiaztatutako hobekuntza bakoitzerako f) atalean zehaztutako kopurua biderkatuko da hobekuntzari emandako ponderazioarekin.

Udalerri mailan, modu horretan kalkulaturako zenbateko guztien emaitza izango da Aldundiak egingo duen ekarpen eraginkorra lehendabiziko hobekuntzengatik.

Udalerri guztien baturak zenbateko globala emango du.

Halaber, aipaturako zenbateko globalaren arabera udalerri bakoitzari dagokion portzentaje bertikala kalkulatu da.

h) Hobekuntza Fondoaren soberakina:

f) eta g) ataletan kalkulaturako zenbateko globalen arteko diferentzia da. Soberakin osoa birbanatuko da udalerrien artean, g) atalean adierazitako portzentaje bertikalaren arabera.

i) Aldundiaren bigarren ekarpen eraginkorra hobekuntzak direla-eta:

g) eta h) ataletan kalkulaturako zenbatekoen batura da.

j) Ateratzen den foru ekarpena:

e) eta i) ataletan zehaztutako zenbatekoen batura da.

ZAZPIGARREN.- Abonu sistema.

a) Likidazio aldia:

Urteko azken hiruhilekoaren likidazioa hurrengo ekitaldiko aurrekontuaren kargura egiten denez, likidazio aldiak aurreko ekitaldiko azken hiruhileko naturala eta uneko ekitaldiko lehen hiru hiruhilekoak hartuko ditu.

b) Likidazioa:

Hiruhileko likidazio prozesua sinplifikatzeko xedez, honela egingo da Aldundiaren oinarritzko ekarpenaren eta bigarren hobekuntzak direla-eta Aldundiak egingo duen ekarpen eraginkorraren konputua:

1.- Lehendabiziko hiru likidazioak, oinarritzko ekarpenaren arabera, erabat.

2.- Laugarren likidazioa, berriz, hobekuntzei dagokien ekarpenaren arabera, erabat.

c) Bidalketa epeak betetzea:

Likidazio sistemak udalerri guztiei dagokien informazioa izatea eskatzen duenez, zortzigarren klausulan aurreikusitako epea amaitu ondoren, informazio hori bidali ez duten udalei posta elektronikoz jakinaraziko zaie astebeteko epe luzaezina dutela eskatutako informazioa aurkezteko. Azken epe hori ez betetzeak hiruhilekoari dagokion likidazioa galtzea ekarriko du, eta udalerria kanpoan utziko da kalkulu guztiak egiterakoan.

ZORTZIGARREN.- Informazio sistema.

a) Udalak Gipuzkoako Foru Aldundiaren esku jarriko ditu beharrezkoak diren datu guztiak, gutxienez jarraian aipatzen direnak: zerbitzuaren prezioa eta kostua, pertsona bakoitzeko xehetasuna zerbitzuaren ordu kopuruari dagokionez, erabiltzaileen koordainketa eta, behar bada, aplikagarri zaizkion hobekuntza motak. Hori guztia helburu hauekin:

1.- Zerbitzuari dagokion likidazioa egitea.

2.- Zerbitzuaren egoera ezagutzea gai hauen inguruan: mendekotasuna duten pertsonen emandako arreta eta, hala dagokionean, beste kolektibo batzuei emandakoa; hobekuntzen ezarpen eraginkorra; eta bete gabe egon daitezkeen beharrak.

3.- Arreta jaso duten mendeko pertsonen buruzko datuak ematea IMSERSOri, kontuan hartuta Autonomiaren Aldeko eta Mendekotasunari Arreta Eskaintzeko Sistemak definitutako espezifikazioak, araudiaren aipamen hauen bidez zehaztutakoak:

- SSI/2371/2013 Agindua, abenduaren 17koa, Autonomiaren Aldeko eta Mendekotasunari Arreta Eskaintzeko Sistema arautzen duena (BOE 302 zk., 2013/12/18, I. atala, 100.833 orrialdea)

- 1051/2013 Errege Dekretua, abenduaren 27koa, autonomia pertsonalerako eta mendetasun-egoeran dauden pertsonak zaintzeko sistemaren prestazioak arautzen dituen (alegia, Autonomia pertsonala sustatzeari eta mendetasun-egoeran dauden pertsonak zaintzeari buruzko abenduaren 14ko 39/2006 Legeak ezarritako prestazioak) (BOE 313 zk., 2013/12/31, I. atala, 107.128 orrialdea)

b) Gipuzkoako Foru Aldundiak tresna informatiko egokia eskainiko du, hau da, Extranet SAD.

Tresna horren erabilera eragotzi gabe, Gipuzkoako Foru Aldundiak Udalaren eskura bertsio aurreratu bat jartzen duen neurrian, Udalak azken tresna hori erabiliko du.

c) Hauek dira informazioa bidaltzeko gehieneko epeak:

a) lehen hiruhilekoa: apirilak 30

b) bigarren hiruhilekoa: uztailak 31

c) hirugarren hiruhilekoa: urriak 31

d) laugarren hiruhilekoa: urtarrilak 31

BEDERATZIGARREN.- Jarraipen batzordea.

Hitzarmen honen xede diren klausulen jarraipena egiteko, batzorde bat eratu ahal izango dela adostu dute bi alderdiek, non ordezkaritza parekidea izango duten.

HAMARGARREN.- Hitzarmena amaitzeko eta iraungitzeko arrazoiak.

Hitzarmena amaitu edo iraungiko da arrazoi hauetakoren bat baldin badago:

a) Bi aldeen arteko adostasuna.

b) Aldeetako batek uko egiten badio hitzarmenari, beste aldeari jakinaraziko dio hitzarmena amaitutzat emateko aurreikusi den data baino bi hilabete lehenago, gutxienez.

c) Aldeek hitzarmenean aurreikusitako baldintzak eta betekizunak betetzen ez badituzte.

HAMAIKAGARREN.- Araubide juridikoa.

Hitzarmen honek izaera administratiboa du, eta bere interpretazio eta garapenerako zuzenbide administrazioko antolamendura joko da, administrazioarekiko auzietarako jurisdikzioa espresuki beteta.

HAMABIGARREN.- Hitzarmenaren indarraldia.

Hitzarmen hau indarrean jarriko da sinatzen den egunean, eta 2017ko urriaren 1etik aurrera izango ditu ondorio ekonomikoak, eta 2019ko irailaren 30 bitarteko indarraldia izango du. Hitzarmenaren epea amaitzerakoan besterik gabe luzatu ahal izango da urtez urte, betiere aurrekontu xedapen egokia eta nahikoa baldin badago luzatutako ekitaldirako.

Eta adierazitakoarekin ados daudela frogatzeko, parte hartzaileek agiri honen bi ale sinatzen dituzte, ondorio bakarrarekin, goian aipatutako lekuan eta egunean.

I. ERANSKINA
HOBKUNTZAK ETXEKO LAGUNTZA ZERBITZUAN

Zenbakia	Deskribapena	Ponderazioa
1	Zerbitzua ezartzea urteko egun guztietan	%35
2	Prezio publikoaren gehieneko kopurua 15,00 eurotan ezartzea astelehenetik ostiralera	%25
3	Zerbitzuaren gehieneko intentsitatea ezartzea: 4 ordu edo gehiago	%15
4	Urgentziaz sartzeko modalitatea ezartzea	% 12,5
5	Beste zerbitzu mota batzuk ezartzea, eta zerbitzua mendekotasunik ez duten pertsoneri zabaltzea	% 12,5

II. ERANSKINA
ETXEKO LAGUNTZA ZERBITZURAKO FORU EKARPENAREN ZENBATEKOAK

2018 eta 2019. urteak

- Urtekoa: 2018: 9.620.533
 2019: 8.192.461,00€
- Hiruhilekoa: Urteko zenbatekoaren % 25 izango da.”

5.- DIRULAGUNTZAK EMATEA: Garabide elkartearekin sinatutako hitzarmenpean 2018an, diruz lagunduko diren proiektuak onartzea

Ezagutzera eman da Herritarrak batzordeko proposamena, hots:

“AURREKARIAK

- Beasaingo Udalak eta Garabide Elkarteak lau urterako lankidetza hitzarmena sinatu zuten 2017ko abenduaren 5ean.

- Hitzarmenean jasotzen da, hitzarmenaren iraupen aldian, urtero, Udal Osoko Bilkurak onartuko dituela urte horretan diruz lagunduko dituen proiektuak. Eta horretarako, Garabidek urte hasieran proiektu zehatzak aurkeztuko dituela Udalak ontzat eman ditzan.

OINARRI JURIDIKOAK

- Diru-laguntzei buruzko azaroaren 17ko 38/2003 Lege Orokorraren 3. Artikulua.

- Diru-laguntzei buruzko Lege Orokor horren erregelamendua onartzen duen uztailaren 21eko 887/2006 Errege Dekretuaren 2. Artikulua.

PROPOSAMENA:

Herritarrak batzordeak Udal Osoko Bilkurari ondorengo proposamena egiten dio onar dezan:

1. Beasaingo Udalak ondorengo proiektuak onartzen ditu 2018an diruz laguntzeko:

Hitzarmenaren baitan 2018an diruz lagunduko diren jardueren azalpena. Egitasmoaren deskribapena	Noiz egingo den (Kronograma)	Aurrekontua	
		Diru-sarrerak	Gastuak
1) Hizkuntza Biziberritzeko Estrategiak Aditu Ikastaroa IV. Erreferentziazko ikastaro honen laugarren edizioan 10 bat hizkuntza-komunitatetako 23 bat eragile indigenak hiru hilabetetan zehar euren jatorrizko hizkuntzak biziberritzeko estrategiak landu eta partekatuko dituzte euskararen esperientzia	Ikastaroa bera irailaren 24tik abenduaren 14ra gauzatuko da. Proiektua berez bi urtekoa da: 2018an Ikastaroa prestatu eta eman eta 2019an zehar ikasleek landutako biziberritze-proiektuen jarraipena egingo da.	530.009,43€ ^(*)	530.009,43€ ^(*)
(*) Bi urtetako aurrekontua			

oinarritzat hartuta. Ikasle bakoitzak biziberritze-proiektu bat garatuko du 2019an abiaraziko duena bere herrialdean.		
2) Yucatango Aditua. Komunitate maia hizkuntza biziberritzean ahalduntzeko prestakuntza-saioa (diplomatura) eta haren jarraipeneko dinamika.	Abuztuaren 4-5eko asteburuan hasita, hurrengo 7 asteburuetan (irailaren 22-23ra arte) eskainiko da Yucatango formazioa.	20.095'38€ 20.095,38€
3) Nahuatl komunitatearen Cuetzalango Tosepan kooperatibako Hizkuntza Plana diseinatu eta inplementatzen hastea.	Adituen egonaldia Hizkuntza Planaren diagnosa eta diseinua lantzeko, apirilaren 2tik 22ra artekoa da. Abuztuko oporren aurretik espero da Plana inplementatzen hastea.	24.198,48€ 24.198,48€

1. *Proiektu horiez gain Garabide Elkarteak ondorengo ekimenak garatuko ditu Beasainen*
 - *Aditu Ikastaroko bisita didaktikoa eta sentsibilizazio ekintza herrian*
 - *Bertako hizkuntza eta kultura aniztasunaren identifikazio lana*
 - *Boluntario egunean parte hartzea*
 - *Hezkuntza*
 - *Ikastetxeetan: proiektzioa eta solasaldia*
2. *Horiek egiteagatik 40.360,00 euro ordainduko dizkio Beasaingo Udalak Garabide Elkarteari. 32.288,00 euro proiektuak ontzat ematen direnean, eta gainerako 8.072,00 euroak diru-laguntza zuritutakoan.*
3. *Diru-laguntza zuritzeko ondorengo dokumentuak aurkeztu beharko dira:*
 - *Diruz laguntzeko onartu diren proiektuen memoria, diru-laguntza ematean jarritako baldintzak bete izana frogatuko duena. Zer jarduera burutu diren eta zer emaitza izan den adierazi behar dira.*

- *Proiektu horietan izandako gastu eta inbertsioak sailkatzeko zerrenda. Hartzekoduna eta agiria, zenbatekoa, egite data eta, hala badagokio, ordainketa data adierazi behar dira.*

Diru-laguntzak ematen duen organoak egiaztatuko ditu egoki deritzan eta diru laguntza behar bezala erabili dela zentzuz agerian uzten duten frogagiriak. Horretarako, onuradunari aurkeztutako ordainketa agiri guztien %10a aurkezteko eskatuko zaio.

Proiektuak onartzeko akordioan bertan adieraziko da zenbatekoa den proiektu bakoitzeko onartzen diren zeharkako gastu edo gastu orokorrak (zuritu beharrik ez dutenak). Portzentaje horrek inolaz ere ez du gaindituko proiektuaren kostuaren %10a.

- *Diruz lagundutako proiektuak finantzatu dituzten bestelako diru sarrera edo laguntzen zerrenda xehatua, zenbatekoa eta jatorria adierazita.*

4. *Zuriketa egiteko azken eguna 2019ko apirilaren 30a izango da.”*

Hitz egiteko txanda eman ondoren, bildutakoek proposamenarekiko adostasuna azaldu dute.

Bozketa eginda, proposamena aho batez onartu da:

6.- ZERBITZUAK KONTRATATZEA

- BEASAINGO UDALAREN ETA BERE ERAKUNDE AUTONOMOETAKO ASEGURU EZBERDINEK KONTRATATZEKO LIZITAZIO PUBLIKOA.

Antolakuntza Batzordeak proposatuta, aho batez ondorengo erabakia hartu da:

“Lehenik. Beasaingo udalaren eta bere erakunde autonomoetako aseguru ezberdinek kontratatzeako deialdia egitea, baldintza plegu administratiboa nahiz teknikoa onartuz.

CPV KODIGOA:

1. *Zatia: 66515000-3 eta 66514110-0,*
2. *zatia: 66516000-0.*
3. *zatia: 66516100-1.*
4. *zatia: 66512210-7.*
5. *zatia: 66516500-5*

1.- *Prozedura: irekia publizitatearekin.*

2.- *Izapidetzea: arrunta eta armonizatua.*

3: *Loteak: 5 (ondarea: kontinentea eta edukia, erantzukizun zibila, ibilgailuak, erraldoi eta buruhandiei asistentzia sanitarioa, erantzukizun zibila kargu publikoak eta enplegatuak.*

4.- Lizitazio prezioa:

- Ondarea: kontinentea eta edukia: 45.000,00 €.
- Erantzukizun zibila: 30.000,00 €.
- Ibilgailuak: 6.000,00 €.
- Erraldoi eta buruhandiei asistentzia sanitarioa: 700,00 €
- Erantzukizun zibila kargu publikoak eta enpleguak: 4.000,00 €.

5.- Egikaritze epea: 2 urte 2018-09-01etik kontatzen hasita. Hiru urteetan luzatu ahal izango da. Luzapenak urtekoak izango dira.

6.- Kaudimen ekonomikoa: Kontratuan aipatzen den eremuan, urteko negozio bolumena, eskaintzen aurkezpen datatik eraketa data edo enpresariaren jardura dataren arabera, eskuragai dauden azken hiru ekitaldien barruan dagoen ekitaldi hoberenari dagokiona eta 430.000,00 €takoa.

7.- Kaudimen tekniko eta profesionala:

a) Kontratuaren helburuaren jatorri berdineko edo antzeko zerbitzu edo lanak egin izanaren erlazioa, gehienez hiru urtetakoak eta bertan aipatu beharko dira, kopurua, data eta hartzailea, publikoa edo pribatua den, maila egokia bermatzeko beharrezkoa balitz, botere esleipendunek aipatu ahal izango dute, kontuan izango direla, hiru urte baino gehiagoko egindako zerbitzuen probak. Kontratazio organoaren menpean dauden zerbitzuek eskatuko balute, egindako zerbitzu edo lanak, eskumena duen organoak eginiko edo onetsitako ziurtagiri bidez egingo da, hartzailea sektore publikoko erakundea denean; hartzailea subjeto pribatua denean, honek eginiko ziurtagiri bidez edo ziurtagiririk ez balego, enpresariaren aitortze bidez, zerbitzua egin izana egiaztatzen duten agiriek batera; kasu horretan, ziurtagiri hauek kontratazio organoari zuzenean jakinaraziko zaizkio eskumena duen boteredunaren aldetik.

b) Enpresariaren eta enpresako zuzendaritzaren, eta zehazki, kontratua egingo duen arduradunaren titulu akademikoak eta profesionalak. Arduradun hau, aldi berean, Udalarekiko solaskidea izango da.

c) Enpresa sorrera berrikoa denean, hau da, bost urte baino gutxiagoko antzinatasuna duenean, bere kaudimen teknikoa aurreko b) atalean aipatzen den moduan egiaztatuko da.

8.- Espedientea: administrazio-baldintzen eta baldintza teknikoen pleguak eta bestelako dokumentazioa, interesatuen esku aurkitzen dira, Udalaren web orrian (www.beasain.net). Zehazki kontratistatzailearen profilean.

9.- Proposamen ereduak: Baldintza Administrazioen pleguaren azaltzen dena.

10.- Aurkezteko epea, lekua eta ordua: Proposamenak, Beasaingo Udalaren Erregistro Orokorrean aurkeztu beharko dira hogeita hamabost egunean, iragarkia Europa Elkartearen Argitalpen Bulegora igortzen denetik kontatzen hasita.

11.- Adjudikazio irizpideak:

- Eskaintza ekonomikoa: 70 puntu.
- Kontratuaren helburu den borondatezko hobekuntzak: 30 puntu.

12.- *Proposamenak irekitzeko lekua, eguna eta ordua: plika irekitzea Euskadiko kontratazio plataforman adierazten den tokian, egunean eta orduan egingo da.*

13.- *Aurkeztu beharreko agiriak: Lizitatzailleek administrazio-baldintzen Pleguan adierazitako agiriak aurkeztu beharko dituzte.*

14.- *Kaudimen-irizpide gisa kontuan hartu beharreko gizarte, lan eta ingurumen arloetako iritziak:*

Fiskalitateari, ingurumena babesteari, lana babesteari, genero-berdintasunari, lan-baldintzei, laneko arriskuen prebentzioari, ezgaitasuna duten pertsonen laneratze eta gizarteratzeari, ezgaitasuna duten pertsonen kopuru edo ehuneko jakin bat kontratatzeke betebeharrari eta ingurumena babesteari buruz indarrean dauden xedapenen ondoriozko betebeharrak

15.- *Kontratua gauzatzeko lan arloko baldintza bereziak:*

- Emakumeek lan-merkatuan parte-hartze handiagoa izatea eta lana eta familiako bizitza uztartzea erraztea.
- Langabeziari aurre egitea, bereziki gazteen langabeziari, emakumeei eragiten dionari eta iraupen luzekoari.
- Lantokian prestakuntza bultzatzea.”

Hitz egiteko txanda eman ondoren, bildutakoek proposamenarekiko adostasuna azaldu dute.

Bozketa eginda, aho batez onartu da proposamena.

- BEASAINGO IGARTZAKO MONUMENTU MULTZOKO JAUREGIA, ERROTA, BURDINOLA ETA ERMITAREN KUDEAKETA ETA USTIAPENA KONTRATATZEKO LIZITAZIO PUBLIKOA.

Alkate jaunak Xabi Matarranz Rico (EAJ-PNV) jaunari hitza eman dio eta honek ondorengoa adierazi du: “oraingo honetan baldintza pleguak bi zatitan banatu dira, alde batetik baldintza administratiboa eta bestetik, baldintza teknikoa. Baldintza teknikoei dagokionez, aldaketa nagusiak hauek dira:

- Xedea sei puntutan banatu da, hain zuzen ere: 1.- informazioa, arreta eta harrera, 2.- eskaintza didaktikoa eta kultura suspertzekoa, 3.- erakusketen zaintza, 4.- zuzendaritza eta koordinazioa, 5.- Udalak programatutako kultur ekintzetarako beharrezkoak diren elementuak muntatzea eta desmuntatzea eta beste hainbat lan, 6.- Garbiketa eta oinarrizko mantentze lanak.

Baldintza administratiboan azaltzen da garbi asko, sei puntu hauetatik, lehenengo lau puntuak, bai ala bai, enpresak bete behar dituela eta beste biak, aldiz, beste norbaiti eman diezaiokeela. Horretarako kontuan hartuko dugu Udalak

kontratatuta duen beste kudeaketa baten gertatzen dena, hain zuzen ere, zineko kudeaketan.

Kudeaketa aldetik esan, eskaera telematikoki egitea ere aurreikusten dela eta enpresari dagokiola eskaera guztiek kudeatzea. Epeari dagokionean, bi urtekoa da baina urtebeteko hiru luzapen aurreikusten dira. Uste dugu modu honetan jarraipen zehatzagoa egin dezakegula eta aldi berean ez gaudela lotuta desbideraketak egoten badira.

Kalkulua egiterakoan, lizitazio prezioa kalkulatu da (orain arteko gastu eta sarreraren arabera) eta estimazio bat egin da urte batetan kontratuaren balioa zenbatekoa den jakiteko, nahiz eta lizitazio prezioa urteko 75.000,00 €koa izan. Horren arabera ateratzen da, 455.000,00 €ko (gehi BEZ) estimazioa, kontutan izan da eman daitezkeen luzapenak. Horrek ez du esan nahi kontratua derrigorrez luzatu behar denik eta ezta ere prezioa igo behar denik.

Esleipen irizpideak plegu administratiboan jarritakoak dira.”

Hitz egiteko txanda eman ondoren, bildutakoek iritzi hauek azaldu dituzte:

Garbiñe Zurutuza Fernandez andreak (Beasaingo EH BILDU): “Igartzako monumentu multzoa kudeatzeko pleguak proposatzeko, EAJ udal gobernua egin duen gestioa, gure ustez, ez da egokia izan. EH BILDUTik gai hau behar den moduan landu ahal izateko, EAJko udal gobernuari eskua luzatu genion, gaia behar den bezala lantzeko, ez ohiko bilerak planteatuz etab., baina ez dugu erantzunik jaso. EAJko udal gobernutik beste behin eta gehiago absolutuaz baliatuz ez diguzue jaramonik ere egin. Jarrera hori oso larria dela iruditzen zaigu, izan ere azken hauteskundeetan EH BILDURI botoa eman zioten beasaingar askoren ordezkariak gara hemen gauden sei zinegotziok. Guri bizkarra emateak adierazten du herritarrei ere bizkarra ematen zaiela. 2016ko uztailaren 7an egin zen baldintza pleguarekin alderatuz, gaurko plenoan aurkezten duzuen baldintza pleguak ea ez du aldaketarik. Aldaketa nagusia, lizitazio prezioan dago. Orduan 64.410 € gehi BEZ izan zen eta orain, 75.000 € gehi BEZ. Bost urterako hipotekatzen duzue Igartzako monumentu multzoa, 2 gehi 3 luzatzeko aukera.(1+1+1). Gure ustez lizitazio prezioa igotzea planteatu aurretik, beste gauza batzuk ere eztabaidatu beharko genituzke, patxadaz eta behar denboraz. Horretarako lehenik eta behin galdera hauei erantzun beharko litzaieke: gaur egun ematen zaion erabilera eman nahi zaio Igartzako monumentu multzoari? edo herritarren beharrak asetuko dituen beste erabilera batzuk era eman diezaiokegu?. Gure ustez, gaur egun ez da behar adina erabiltzen. Beste hainbat ekintza egin daitezke bertan. Hamar bat adibide aipatuko ditut, batzuk aipatzearen:

1.- Beasaingo herrian dagoen liburutegi bakarra plazan dago eta bizi garen biztanle guztiak kontutan izanik, ezin al da burdinola edo jauregian 2. solairuan dagoen txokoa egokitu eta liburutegi bat bertan jarri?.

2.- Gu gobernuan geundela hasi ginen unitate didaktikoak egiten: ikastola, eskola, ume etab. ekartzeko, baina guk espero genuena baino ikasle kopuru txikiagoa ekartzea lortu da. Hori aldatzeko, jadanik egina dauden unitate didaktikoak hobetu egin beharko liratekeela iruditzen zaigu, ikastolen elkarrekin hitzarmenak sinatuz etab. Helburua

izango litzateke, Igartzako monumentu multzoa ezagutzera ematea, gure historiaren parte izanik, umeei ere historiaren parte hori ezagutarazteko.

3.- Herrian dugun monumentu historikoan ezin al dira beste zenbait ekintza antolatu?. Adibidez, Lemiskatak egiten duen bezala, Udalak ezin al du herritarrei zuzenduriko ikastaro edo hitzaldiak antolatu, gaur egun pil-pilean dauden zenbait gaiei buruz, adituak ekarriz?.

4.- Luntxa eta catering zerbitzuari dagokionean, gure ustez, monumentu multzoa izanik babestu egin beharko genuke eta Jauregiaren barruan catering-ak edo "Ehun Mila"koek egiten dituztenak egiteko ez dela lekurik egokiena esango nuke. Irtenbide bat bilatze aldera, agian, Udalak erraz muntatu daitekeen karpa bat erosi eta alokatu dezake eta kanpoan dagoen belardian jarri.

5.- Hileta zibilari dagokionean, zergatik ez da erabiltzen Igartza jauregiko patioa?. Eraikuntza publikoa bat izanik, gure ustetan, leku egokia izango litzateke horrelako agur-ekitaldi bat egin ahal izateko.

6.- Baratza, ezin al da hobetu zaindu?. Honen inguruko unitate didaktiko batzuk ere egin daitezke: adibidez, senda-belarrak nola zaindu eta ondoren beraiekin kremak eta gauza ezberdinak egin.

7.- Burdinolako gela zertarako erabiltzen da?. Bere garaian EH BILDukoek irakurketa tailerra martxan jarri zuen bezala, ezin al dira beste zenbait ikastaro antolatu. Adibidez, jostekoak, sukaldaritzakoak?.

8.- Errotan ezin al dira ikastaro gehiago antolatu?. Adibidez, asteburutan, aste santutan, gabonetan eta udaran, jendea erakartzeko?. Errotan erabilera ezagutzera emateaz gain, artoa nola xahutzen den erakutsi eta taloa eta ogia nola egiten den erakusteko ikastaroak antolatu.

9.- Antolatzen diren udalekuetan, herriko umeei erabiltzen al dute Igartzako monumentu multzoa, ekintzak egiteko?. Tailer asko egin daitezkeela iruditzen zaigu beraiei begira.

10.- Turistak erakartze aldera zer egin da azken urteetan?. Txostenean puntu hau gainetik aipatzen da eta azken boladan Euskal Herrian turismoa areagotzen ari dela esaten da. Agian hor ere ahalegina egin genezake.

Hamar ideia hauez gain, beste ideia asko izan baditugu, baina desgraziaz ezin izango dugu zuekin honetan hitz egin. Baldintza pleguei dagokionean, gu gobernuan egon ginenean, kudeaketa zuzenaren saiakera egin genuen, baina horretarako lehenengo babes politikoa lortzen saiatu ginen eta ez genuen lortu. Gehiengo absolutua ez genuenez, gaur egun indarrean dauden baldintza pleguak atera genituen. Gure ustez, teknikariari horrela esan genion martxoko bileran: orain da momentua serioski planteatzeko Udaletik kudeaketa zuzena eramatea posible den edo ez. Kulturako teknikaria maiatzean aurre-jubilatzen da eta martxoko antolakuntza batzordean Alkateak esan zigunaren arabera bere errelebista kontratatzeaz gain, beste pertsona bat ere kontratatatu behar da kultura batzorderako eta kulturako lanak egiteko baina, ez dakigu pertsona berri horrek zein eginkizun izango dituen, zein funtzio. Gure ustez, pertsona baten ordez, agian bi edo hiru, ez dakigu zenbat, kontratatatu beharko lirateke

eta modu honetan Igartzako monumentu multzoaren ustiaketa enpresa pribatu bati eman ordez, zuzenean Udaletik kudeatu beharko litzateke. Aukera horren azterketa egiteko garaia orain zen. Beste aukera bat izan zitekeen baldintza pleguak beste modu batera formulatzea, adibidez, 75.000 €ko lizitazioa izan ordez, 50.000 €ko lizitazioa eta tasak aldatu eta tasetatik lortzen duten bariablea lizitazioa irabazten duen enpresarentzat geratu. Modu horretan enpresa gehiago inplikaturiko lirateke, gauza ezberdinak antolatuz. Araudia, tasei dagokionean, zergatik ez dituzue kontuan izan kulturako teknikariak Igartzako monumentu multzoaren eta ustiapenaren inguruan egin duen txosteneko zenbait puntu?. Bertan esaten diren gauzen artean, esanguratsuak iruditu zaizkigu batzuk eta aipatzeagatik hauek: garbiketa zerbitzua ez da bete behar den bezala, pertsonalen antolaketa ez da aproposa, EH BILDUri baldintza eta tasak araudiarekin batera berritu eta onartzea ezinbestekoa iruditzen zaigu. Gu gobernuan geunden garaian eta zuek oposizioan zeundetenean, hori horrela izatea eskatu zeniguten. Orain ez dakigu zergatik, araudia ez da berritu. Guzti honengatik Igartzako monumentu multzoaren baldintza pleguen aurka bozkatuko dugu.”

Xabier Matarranz Rico jaunak (EAJ-PNV): “ez dakit zer den elkarren artean lan egitea. Urtarrileko aktan jasota geratzen da (herritarren batzordean), “eskaera eta galdera” atalean, Igartzako jarraipen batzordea urtarrilaren 25ean egingo zela, kontratua uztailean amaitzen delako. Plegu berriak atera eta tasak berrikusteko ateratzeko asmoa dugula esaten zen. Urtarrilaren 25ean, zuen taldeko ordezkari bat bilera horretara joan zen eta teknikarien txostenean esandakoa azaldu zitzaion. Martxoko aktan jasota geratzen da, kultura sailetik Igartzako monumentu multzoko kudeaketari buruzko teknikariaren txostena eta plegu tekniko eta administratiboen zirriborroa eta tasak eguneratzeko dokumentua aurkeztu zitzaizuela. Batzordeko lehendakariak, nik neuk, proposamena apirilaren 9rako idatziz pasatzeko eskatu nizuen. Data horretan, gure mahai gainean ez zegoen inolako idatzirik. Bisiteekiko planteatzen duzunari buruz, komentario pare bat: 2015etik udalak hitzarmenen bidez egiten dituen hainbat ekintzetan, asistentzia 4.162 pertsonakoa izan da. 2017. urtean, 9.337 pertsona. Nik uste dut Udala zerbait egiten ari dela horri bizitza emateko. Gero, zuk badakizu daudela Udalak bere kasa antolatzen dituen ekintzak, baina hobeto ateratzen dira elkarleen bidez antolatzen direnak. Hori badakizu, horretan ere eskarmentua duzu eta. Beste alde batetik esan ikastaroak elkarleen bidez egiten direla. Mokaduarena, patioaren erabilera eta guzti hori, pena ematen dit benetan, ze sentsazio txiki bat badut, izan liteke nire susmoa baina, hainbat gauza gainetik irakurri direla, zeren eta tasetan jartzen du: “patioa estaltzeko alfonbra”. Horrek babesten du orain arte planteatzen ziren gauza batzuk. Nahi izan ezker belardiak eta inguruak erabili, esan behar da, ez dagoela gure esku tasa bat jartzea. Hileta zibilaren inguruan ere esan, ospakizun zibilak aipatzen direla (honek ere ematen dit sentsazioa, ez dela irakurri behar bezala). Horrekin baimentzen da edozein gela alokatzea zeren eta Igartzan egiten diren ezkontzak zibilak dira. Horregatik Igartzako tasetako proposamenean esaten da, ezkontza, hileta etab. zibilak egin daitezkeela eta horiek egiteko gela ezberdinak izan daitezke. Gainera “lotura gela”ko tasa, hilerriko tasetatik atera eta Igartzako tasetan aurreikusi da. Baratzaren inguruan esan, senda-belarrak jarri direla (guztiak ez dira erne oraindik), landatutako etiketak ere sortu dira eta aurki ikusi ahal izango ditugu. Tailerrei buruz esan, orain arte ez dugula daturik baina 2017an antolatutako tailerretan 421 pertsona parte hartu dute eta 2018an oraingoz hiru tailer antolatu dira, horietako bat, senda-belarrarena (album ilustratua egiteko). Enpresak hartu du bidea hilerriko tailer bat antolatzeko. Burdinolaren erabilera: aurreko igandean erakusketa bat zabaldu zen, Eusko Jaurlaritzaren Kultura Sailarekin batera eta momentu honetan burdinola horretarako erabiltzen ari da. Beste erakusketa bat ere

planteatzen ari gara, Europako ondareari buruzkoa. Hortik kanpo, hor bertan egin da argazki erakusketa bat. Turismo aldetik esan, Igartza.eus orria horretan pentsatuta berritu dela. Bertan nola iritsi, nola aparkatu, zein garraio dauden, inguruan aurkitu daitezkeen zerbitzu osagarriak, etab azaltzen dira. Nik uste dut, pleguak lantzeko eta ekarpenak egiteko aukera izan duzuela eta ez zaretela horretaz baliatu.”

Alkate jaunak (EAJ-PNV): “Ni hiru gauza azpimarratuko nituzke. Lehenengo gauza esaten duzu, kobratzen diren tasak beraientzat izatea. Horrela planteatu da. Baldintza pleguak hori jasotzen dute. Bigarrenengo gauza esaten duzu, garbiketarena eta pertsonalarena ez dela betetzen. Hain zuzen ere, hori ondo bete ahal izateko gehitu da prezioa teknikariak egindako balorazioaren arabera. Pribatizazioaz hitz egiten duzu eta kurioa da zeren eta 2014ko otsailaren 10ean zerorrek baldintza pleguak batzordean pasatu zirenean, zuk esaten duzu: “yo creo que no es una privatización, es una explotación externalizada. Con el Decreto de Rajoy, no podemos gestionarlo de manera directa.”. Hori da zuk 2014. urtean esandakoa. Ez dakit zer aldatu den hori beste modu batetara egin ahal izateko. 2014an ere apirilaren 23an, aipatzen dituzu egingo diren gauzak eta “Igartza trivialaren jokoa”, sartuko dute, esaten da. Astearteko azokako nekazariekin elkarlanean arituko dira eta artisau produktuak eta merchandising-a ere salduko da, konpos-gunea ere jarriko da. Beste hainbat adibide jarri ditzaket, orduan esandakoak. Erakutsi nahi dudana da, paperak gauza asko aguantatzen dituela eta gero zaila izaten dela betetzea. Hemen egiten den ariketa da, ahal bada errealitatea egokitzea, bai prezioan eta baita ere eginkizunetan. Oso ponpoxoa geratzen da puntuazioa ematea eskaintzen den edozer gauzari eta gero jarraipen ezagatik, benetan ezin delako egin edo kalkuluak gaizki egin direlako, eskaintza ez izatea denok nahi genukeena.”

Garbiñe Zurutuza Fernandez andreak (Beasaingo EH BILDU): “Xabierrek esan du azken aurreko batzordean esan zela apirilaren 9rako gure ekarpenak bidaltzeko idatziz. Batzorde horretan hiru zinegotzi geunden eta hiruetako inork ez genuen entzun. Esango zenuten eta audioan badakit grabatuta dagoela. Azkeneko momentuan izango zen. Ni lehenago atera nintzen, gure artean hitz egin dugu..., Hala eta guztiz ere apirilaren 9an ez baina apirilaren 14an idatziz jaso zenuten, nik gaur irakurri dudan berdin-berdina. Azkeneko batzordean gure euskararekiko eskubideak zanpatuta geratu ziren batzordetik atera beharra izan genuelako eta gaur hemen hitz egiten ari garen honetaz guztiaz, ez genuen behar den patxada izan eztabaidatzeko. Tasei dagokionean, nik uste dut ez dela ulertu nik esandakoa. Gure garaian Rajoy-en Dekretua zegoen, baina nik hitz egin nuen pertsonaleko arduradunarekin eta komentatu zidan iruditzen zaiola hilabete batzuk barru legearen aldaketa egongo zela eta horren ondorioz, aukera egongo dela pertsona bat kontratatu ahal izateko eta zuzenean kudeatzeko. Tasekiko adibide bat jarri dugu, 75.000,00 € jarri orde, jarri 50.000,00 € finkoa gehi beste bat aldakorra. Alkateak esan duen bezala paperak dena soportatzen du, baina gertatzen dena da esandako guztia gero ez dela betetzen. Adibidez, garbiketako arazoa ez da oraingoa baizik eta lehendik datorrena. Lehengo baldintza pleguetan ere arazoa hor zegoen, baina horren aurrean Udalak zerbait egin beharko luke. Lehen ez zen betetzen, orain ez da betetzen eta gerora ere ez bada betetzen, enpresa berdinak jarraitu ezker...”

Xabier Matarranz Rico jaunak (EAJ-PNV): “Zuk esanda bezala, batzordea grabatuta dago eta entzun daiteke. Gogoratzen dizut, azken batzordea apirilaren 19an izan dela eta zure idatzia jaso zela apirilaren 17an. Guri eskatzen diguzu egun batetan antolatzea edo egitea zuek hilabete batean egin ez duzuen...”

Gaia behar adina eztabaidatu ondoren, Herritarrak Batzordearen proposamena bozkatu da eta ondorengo emaitza lortu da:

Aldeko botoak: 10: (EAJ-PNV, Socialistas Vascos-Euskal Sozialistak)
Aurkako botoak: 6 (Beasaingo EH BILDU)
Abstentzioak: 0

Horren ondorioz, gehiengo absolutuarekin ondorengo erabakia hartu da:

“Lehenik. Beasaingo Igartzako monumentu multzoko jauregia, errota, burdinola eta ermitaren kudeaketa eta ustiapenaren kontrataziorako deialdia egitea eta baldintza plegu administratiboa nahiz teknikoa onartzea.

CPV kodeak:

- 75124000-1: aisiaren, kulturaren eta erlijioaren arloko zerbitzu administratiboak.
- 75125000-8: gai turistikoak.

1.- Prozedura: irekia publizitatearekin.

2.- Izapidetzea: arrunta.

3.- Lizitazio prezioa: urteko 75.000,00 € + BEZ

4.- Egikaritze epea: bi urte bete, beste hiru urtez luzatu ahal izango da. Luzapenak urtebetekoak izango dira.

5.- Kaudimen ekonomiko eta finantzarioa:

Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: 455.000,00 euro edo gehiago. Hori, lizitazio-iragarkian eta kontratuaren agirietan eskatutakoaren arabera.

6.- Kaudimen teknikoa:

Gehienez azken hiru urteetan egindako zerbitzu edo lan nagusiak, zehazki kontratuaren xede direnen antzekoak. Zehaztu behar dira lan horien zenbatekoa, data eta hartzailea (publikoa edo pribatua). Gaitasun-maila egokia dela ziurtatzea behar izanez gero, esleitzailleek adieraz dezakete azken hiru urteetatik atzera egindako zerbitzuen frogagiriak kontuan hartuko dituztela.

- a) *Titulu akademiko eta profesionalak, enpresaburuarenak eta enpresako zuzendarienak eta, bereziki, kontratua egikaritzeaz arduratuko den pertsonarenak (izen abizenak zehaztuta). Arduradun hori, halaber, Udalaren solaskidea izango da.*

Bost urte baino gutxiagoko enpresa berriek kaudimen teknika aurreko b) ataletan adierazi bezala egiaztatuko dute.

Kontratua gauzatzeko giza baliabide eta baliabide material nahikoa jartzeko konpromisoa aurkeztu behar da, agiri honetan eta agiri teknikoan ezarritakoaren arabera. Konpromiso hori funtsezko betekizuntzat joko da eta, parteren bat betetzen ez bada edo ez bada behar bezala betetzen, kontratua bertan behera utziko da edo zigorrak ezarriko dira.

7.- Espedientea: administrazio-baldintzen eta baldintza teknikoen pleguak eta bestelako dokumentazioa, interesatuen esku aurkitzen dira, Udalaren web orrian (www.beasain.net). Zehazki kontratistatzailearen profilean.

8.- Proposamen eredua: Baldintza Administrazioen pleguaren azaltzen dena.

9.- Aurkezteko epea, lekua eta ordua: Proposamenak, Beasaingo Udalaren Erregistro Orokorrean aurkeztu beharko dira iragarkia, Euskadiko kontratazio plataforman, argitaratzen denetik eta hurrengo 15 egunetan (ordu muga, 14,30).

10.- Adjudikazio irizpideak:

- 1. irizpidea, formula automatikoekin ebaluatzina: Kudeaketa-proposamena: 50 puntu.
- 2. irizpidea, formula automatikoekin ebaluagarria: Proposamen ekonomikoa: 50 puntu.

11.- Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.

12.- Aurkeztu beharreko agiriak: Lizitatzailerik administrazio-baldintzen Pleguan adierazitako agiriak aurkeztu beharko dituzte.

13.- Kontratua gauzatzeko sozial izaera duten baldintza berezia:

- Lan-merkatuan emakumeek gehiago parte hartzea eta lan- eta familia-bizitza bateragarriak izan daitezen erraztea.
- Langabeziari aurre egitea, batez ere gazte, emakume eta luzaroko langabeenari.
- Lantokian prestakuntza jasotzen laguntzea."

7.- ORDENANTZAK. Testuaren errebisio eta zuzenketa, genero ikuspegitik, ondorengo ordenantzena:

Herritarrek batzordeak egindako ondorengo proposamenaren berri eman da:

"AURREKARIAK:

1. 4/2005 LEGEA, otsailaren 18koa, Emakumeen eta Gizonen berdintasunerako jarraituz, HIZKUNTZAK EZ SEXISTA izan behar du.
2. Beasaingo Udalean, indarrean dauden Ordenantzak berrikusteko prozesua martxan jarriko da, genero ikuspegitik hizkuntza egokituz; edukia aldatu gabe.

PROPOSAMENA:

Antolakuntza batzordeak Udal Osoko Bilkurari, ondorengo Ordenantzen egokitzapena onartzea eskatzen dio

- “Obra txikien lizentziari eta jakinaren gainean jartzeko obrei buruzko Ordenantza”.
- “Aulkiak eta mahaia herri-bidean jartzea arautzeko Ordenantza”.
- “Bide publikoan pasabideak arautzeko Ordenantza”

OBRA TXIKIEN LIZENTZIARI ETA JAKINAREN GAINEAN JARTZEKO OBREI BURUZKO ORDENANTZA

“Udalbatza honen nahia da bere administrazioaren eraldakuntzan aurrerapausoak ematea, administrazio bizi, eraginkor eta eragingarria lortzeko prozesuan. Eta aldi berean, administrazioa Beasaingo herritarrentzako ulergarria eta eskuragarria izatea.

Horrek ordea, administrazioko prozesuak erraztu eta argitzea eskatzen du, izapide burokratikoak kendu eta izapidaketa bera sinplifikatuz, gaiak arintasunez ebazte eta aldi berean iharduerak burutzean ordenamendu juridikoak betetzea bermatuz, beti ere, tratamendu-berdintasuneko printzipio, zergatiekiko kongruentzia eta helburu zurigarri eta norbanakoaren askatasunetik abiatuta.

Lizentzi ematea, Herri-administrazioak hiritarren ihardueran duen eskusartzearen kasurik ohizkoenetakoa da, administratuak aldezturik duen eskubidearen prebentzio eta aitortzearen kontrol-egintza den heinean, izan ere, bere bitartez enkaitzen baitira Legeak ezarritako mugak. Egintza horrek, iharduera jakin bat egikaritzeko ezarritako debekua altxatzea du ondorioztat.

Hirigintzako legeria, eta zehazki esanda Zorua Legeko Testu Bateratuko (ZLTB/TRL) 242. artikulua eta Hirigintzako Disziplina Erregelamenduko (HDE/RDU) 1. artikulua, ordenamendu-egitasmo eta ordenantzek adierazten dituztenez gainera, udal-lizentziaren dauden egintzak biltzen dituzte.

Udal honek egokitzen du, obra txikietarako lizentzien eskaera, izapidaketa eta egikaritzapen-kontrola erregulatzea, horien barnean obra-maila berri bat sortuz, hots, jakinaren gainean jartzeko obrena, hirigintza-ordenamenduan duten eragin txikia dela bide, Udalari jakinaraztea baino eskatzen ez duten obrentzat.

1. Ordenantza honen helburua beraz, obra txikien eta jakinaren gainean jartzeko obren hirigintza-lizentzien eskaerak, izapidaketak eta egikaritzapen-kontrolak erregulatzea da.

2. Ordenantza honetan zehar erabiltzeko, honako definizio hauek ematen dira: Obra txikiak, eraikinaren egitura edo funtsezko elementuak erasaten ez dituztenak; teknika soil eta eraikuntza- nahiz ekonomi neurri eskasekoak direnak eta bolumenaren, erabilpen subjektiboaren, instalazioen eta erabilpen komuneko zerbitzuen, etxebizitzak edota areto-kopuruen aldaketarik ez dakartenak eta eraikinaren kanpoko diseinua, zimentuak, egitura edo segurtasuna nahiz era guztietako obra-instalazioak erasaten ez dituztenak.

Jakinaren gainean jartzeko obrak, garrantzi gutxiko obrak direnak eta alde zuzeneko lizentziarik salbu izanik, Udalari jakinarazteko beren berri ematea beste beharrik ez dutenak

3. Jakinaren gainean jartzea baino behar ez duten obra-kasuak, honako hauek dira:

1. Etxebizitzan barruko aldaketa-obrak, egitura-elementuen aldaketarik gabe.
2. Leihobaldaketak, lehengo kolore, forma eta tamainak mantenduz.

4. Jakinaren gainean jartzea baino behar ez duten obretatik kanpo gelditzen dira, eraikin historiko-artistikoak izateagatik inbentarioetan edota katalogoetan sartuta dauden eraikinetan egiten diren obrak eta baita Planeamenduko Arau Subsidiarioetan ordenaziotik kanpo izendatu eta kalifikatutako eraikinetan egitekoak ere eta baita egurrezko estruktura duten eraikinak ere.

5. Obra horietako edozein egiteko ere, herri-bidean aldamioa jarri beharra denean, horretarako baimena eskatu egin beharko da.

6. «Jakinaren gainean jartzeko obrak» deitzen artekoren bat egiten hasi nahi duen pertsonak, Udalari horren berri emango dio (Informazio-bulegoan) eta Udalak horretarako prestatutako instantzia (1. eranskina) bete beharko du, edota horren ordez, Erregistroan idatzia aurkeztu beharko du, ondorengo zehaztasun hauek dituela:

- Eskatzailearen identifikazio-datuak.
- Eskatzailearen egiteko erabilutako nortasuna (Jabea, maizterra, ahalmenak, kontratista).
- Egin behar dituen obrak: Deskribapena eta kokapena.
- Obren aurrekontua.
- Eskatzailearen sinadura eta data.3. artikuluko 3, 4 eta 5 kasuetan ikusonetsitako oinarritzko segurtasun azterlana aurkeztu beharko da.

Aurkeztutako dokumentuak, Udaleko teknikariek egiaztatuko dituzte eta herri-bidearen okupazioaz, bidezkoak iruditzen zaizkien aldaketak egin ahal izango dituzte.

7. Informazio-bulegoan, «Jakinaren gainean jartzeko obra»-ri dagokion agiria emango zaio eta horren bidez kreditatuko da Udalari obrak egiteko jakinarazpena bete beharra benetan bete izana.

8. Obra txikien lizentzi eskaerak, 6. artikuluko aipatzen dituen datuak izateaz gainera, beste agiri hauek ere berekin izan beharko ditu:

Egin asmo diren obren memoria, eta kasu bada, erasandako finantza izango duen iharduera-erabilpenaren zertarakoaren adierazpena, dauden azalera erabilgarri eta eraikien koadro deskribatzailea barne duela.

Egin behar diren obren krokis kotadunak, goitiko bista, aurretiko bista eta sekzioak edo ebakidurak dituztela, eta era berean obra horiek egin behar diren eraikinak edota bere zatiek duten egungo egoerarenak ere.

Hala adierazten den kasuetan gainera, P edota D letrekin adierazitakoa ere eskatuko da, hots:

- a. (P) Ahalmena duen Teknikariak sinatu eta teknikariaren Elkargo Profesionalak ikus-onetsitako planoen aurkezpena.*
- b. (D) Teknikari ahalmendunaren zuzendaritza-agiria bere Elkargo Profesionalak ikus-onetsita, zuzendaritza hori bere gain hartzen duela adieraziz.*

9. Eskakerak eskatutako betebeharrak betetzen ez baditu, pertsona interesatuari 10 eguneko epean zuzentzeko eskatuko zaio.

Zuzentzen ez baditu, bere eskaera bertan behera uzten duela ulertuko da eta espedientea beste izapiderik egin gabe artxibatu egingo da, Herri Administrazioen eta Administrazio Orokorreko Ihardunbidearen Erregimen Juridikoko (HAAOIEJ/LRJAPPAC) 30/92 Legeko 42.1 artikuluan adierazitako ondorioekin.

10. Alkatea edota berak ordezeko izendatutakoa izango da obra txikien espedienteak ebazteko eskuduntza duena.

11. Obra txikia egiteko lizentzia emateko epea, jakinarazpena aurkeztu ondorengo egunetik zenbatutako hilabetekoa izango da.

Epe horretan idatzizko ebazpenik izan ez bada, ontzat emantzat hartuko da, baina ontzat emate horren eraginkortasuna, balizko egintzaren ziurtagiria lortzearen menpe egongo da eta Udalak epe horren barruan, espresuki ebatzi ahal izango du egun indarrean den legeriaren arabera.

Xedapen arruntak:

12. Obren neurriak ez dira jabekideen esparrutik irtengo eta beren edozein eratako mugaz kanporatzea ere, hirigintzako arau-haustetzat hartuko da.

13. Obrak egikaritu bitartean egin nahi litzatekeen edozein aldaketa ere, Udalari jakinaraziko zaio.

14. Edozein Teknikari edota Udaltzainek sarrera librea izango du obretara obrak egiten ari diren bitartean sartzeko eta obrak lizentziari edota jakinaren gainean jartzeko obrari dagozkien xehetasunei doitzen zaizkiela egiaztatu ahal izateko. Horregatik, «Jakinaren gainean jartzeko obra-agiria» edota lizentzia, obra dagoen lekuan edukiko dira egiaztapena egiten den une berean aztertuak izan daitezten.

15. Lanak egitean, eraikuntza-praktika onak aholkatzen dituen aurreneurriak eta eraikuntzako industri lanerako Segurtasun eta Higiene Erregelamenduan aurrikusiak kontuan hartuko dira.

16. Lizentzia eskatzea eta lortzea, egun indarrean den legeriaren arabera derrigorrezkoak diren gainerako baimenen kalterik gabe ulertuko da.

17. Lizentzi emateetan edota jakinaren gainean jartzeko obretan obrak hasteko eta obrak egikaritzeko eperik finkatzen ez denean, epe hori hilabetekoa dela ulertuko da jakinaren gainean jartzeko obrentzat eta hiru hilabetekoa lizentzientzat. Obrak amaitzeko berriz, bi kasuetan ere 6 hilabeteko epea izango da.

18. Lizentzien eta jakinaren gainean jartzeko obren zerga eta tasen zenbatekoa, Ordenantza Fiskalek finkatuko dute.

Agiria emateko egintzan egindako kopuru horien abonua, kontura egindako sarrera-izaera duena izango da eta lizentziaren titularra derrigortua geldituko da obra amaitzean obraren benetako kostua aitortzera, kasuari dagokion likidazio osagarria egin ahal izateko.

Udal-zerbitzuek murtzilo edo erreklamazio horien egiazkotasuna egiaztatu ahal izango dute eta obrak egiten eskuhartu duten pertsona guztiei, aurrekin, ziurtagiri edota kostua zehazteko beste edozein agiri-mota eskatu ahal izango diete.

19. Arau hauek, argitaratu ondorengo egunean sartuko dira indarrean eta deseman edo derogatzen ez diren bitartean indarrean jarraituko dute.

Beasaingo Udala

Jakinaren		gainean		jartzeko		obra:
Espediente-zk.:						
Eskatzailearen						izen-deiturak:
NAN:						
Helbidea:						
Tfinoa.:						
Fax-zk.:						
Iharduteko	nortasuna:	(jabea,	maizterra,	ahalmenduna,	kontratista):	
Obrak	egingo	diren	eraikina:	(etxebizitza,	aretoa):	
Eskatu	duen	baimenak	hartzen	dituen	obrak:	
Aurrekontua:						
Eskaera-data:						
Eskatzailearen sinadura.						

Obra txikien lizentzia eta jakinaren gainean jartzeko obrak erregulatzen dituen Ordenantzan xedatuaren arabera, Informazio-bulegoak, Agiri hau ematen du. Agiri hau, hirugarrenen kalterik gabe ematen da eta ematen zaion pertsonaren erantzukizunpean soilik eman ere, beti ere, aipatutako finkaren jabeak, adierazitako obrak egiteko espresuki baimena emanda egonda.

Agiri hau ematen zaion pertsonak, «Jakinaren gainean jartzeko obren» Ordenantza erregulatzailean jasotako betebeharrak guztiak eta bakoitza betetzeko obligazioa du.

Obren edota instalazioen neurriak, ez dira adierazitakoak baino handiagoak izango eta horietatik irtetea hirigintzako arau-hauste zigorgarri gisa hartuko da. Obra egiterakoan egin nahi den edozein aldaketa ere, jakinarazi egin beharko da.

Obrak egiterakoan, eraikuntza-praktika onak aholkatzen dituen aurreneurriak eta eraikuntzako industri lanerako Segurtasun eta Higiene Erregelamenduan aurrikusiak kontuan hartuko dira.

Obrak egiterakoan lagungarri gisa erabili beharreko bitartekoek herri-bidea hartzen dutenean, komenigarri den moduan seinaleztatuta gelditu beharko dute istripurik gerta ez dadin. Eskatzaileak seinaleztapen-elementuak behar duten segurtasun- eta apaindura-egoeran mantentzeko obligazioa izango du.

Eskatzaileak istripu-kasuetarako Erantzukizun Zibileko Asegurua eduki beharko du, edota obrak egiteko kontratatua izan den pertsonari eskatuko zaio.

Agiri hau duen eskatzaileak edota etorkizunean izango lukeen pertsonak, obrak ikuskatzeko ardura duten agente edota pertsona teknikoek eskatutako kasu guztietan erakusteko obligazioa izango du eta eskatutako betebeharrak hau ez betetzeak, agintaritza-agenteei ez obeditzearen ondoriozko erantzukizunetan sarraraziko du.”

AULKIAK ETA MAHAIAK HERRI-BIDEAN JARTZEA ARAUTZEKO ORDENANTZA

I. KAP.

HELBURUA, ESPARRUA ETA MUGA OROKORRAK

1. art. Helburua.

- 1. Aulkiak eta mahaiak eta horien osagarriak, hala nola itzalkinak, eserlekuak, toldoak, alboetako babesak, argiak, etab. herri-bidean jartzeko erregimen tekniko eta juridikoa ezartzea da Ordenantza honen helburua.*
- 2. Aurreko atalean azaldutakoaren ondorioetarako, ostalaritzako jardueretako baten aldi baterako osagarri izango diren mahaiak eta behin-behineko instalazio mugikorak sartuko dira aulki eta mahaien multzoan.*

2. art. Esparrua.

- 1. Ordenantza hau erabilera publikoko gune guztietan ezarri ahal izango da (herri-bideak, gune libreak, etab.), nahiz horien titularitate publikoa zein pribatua izan. Erabilera publikoko baldintza hori orain duten egoeraren nola indarren dagoen planeamenduaren zehaztapenak ezartzearen arabera zehaztuko da.*
- 2. Araudi hori ez zaie ezarriko aurreko artikuluan egin den azalpenean sartuta egon arren ondorengo kasu hauetakoren batean baldin badaude:*
 - a. Udal administrazioaren emakida baten babesean garatutako jardueren osagarriak direnean.*
 - b. Herriko jaietako ekitaldiak gauzatzeko jarduerak direnean, garai jakin batean egin beharrekoak izaten dira eta eskuduntza duen udal agintaritzak ezarritako baldintzak bete behar izaten dituzte.*

3. Herri-bidea okupatzeak eta horretaz baliatzeak erabilera arrunt bereziko maila juridikoa du, eta horiek gauzatzeko udal baimena eskatuko da aurrez kasu bakoitzean, baimen hori Ordenantza honetan aurreikusitakoaren arabera emango da. Herri-bidea zenbat okupatuko den dagokion baimenean zehaztuko da. Leku batean jarriko diren mahaiengatik emango da baimena.

3. art.Muga orokorrak.

1. Aulkiak eta mahaiak ezingo dira jarri oinezkoentzako pasabideen aurrean, ezta jende asko ibiltzen den lokaletako larrialdietarako irteeren aurrean ere.
2. Debekatua dago kanpoan barra jartzea eta makinak, tripodeak, errotulu eramangarriak, etab. jartzea erabilera publikoko guneetan.
3. Duen mailagatik emandako baimenean, Jarduera Gogaikarrien Arautegian eta gainerako indarrean dauden araudietan ezarrita dauden edariak eta gauzak bakarrik eman ahal izango dira mahai eta aulkietan.
4. Baimena duen titularren ardura izango da gainerako bizilagunek lasai egoteko duten eskubidea bermatzea, hori dela eta debekatu egingo du mahaiak eta aulkiak dituen lekuan eskandaluak izatea, errietan ibiltzea eta gehiegizko zarata ateratzea. Kanpoan megafonia jartzea erabat debekatuta dago.
5. Mahaiak eta aulkiak jarri dituztenek ondorengo gehienezko ordutegia bete beharko dute:

Ixteko	ordutegi	orokorra:	23:00etan.
Ostiral,	larunbat	eta jai bezperetan:	01:00ean.
Ekainaren	1etik	irailaren 30era:	24:00etan.

Ostiral, larunbat eta jai bezperetan: 02:00etan.
6. Eskuduntza duen Udal Agintaritzak estaltzeko eskaera ukatu ahal izango du (olanak edo toldoak, itzalkiak) ondorengo kasu hauetan:
 - a. Bide-segurtasunerako arriskutsua dela ikusten denean (behar bezala ikustea oztopatzen duelako, gidariek arreta galtzen dutelako, etab.) edo oinezkoentzako ibilbidea nabarmen oztopatzen duenean.
 - b. Inguruko eraikin eta lokaletan segurtasun arazoak sortzen baditu (horietatik irteteko,).
 - c. Inguruarekiko egokia ez denean edo horrekin bat ez datorrenean, edo hiri-paisaia hori behar bezala ikustea oztopatzen duenean.

II. KAP.

BAIMENA EMATEKO BALDINTZA FORMALAK. ESKAERA ETA IZAPIDEAK EGITEA

4. art.Udal-baimena.

1. Mahaiak eta aulkiak eta horien osagarriak jartzeko udal-baimena beharko da aurrez.

Alkateari	dagokio	hori	ematea.
-----------	---------	------	---------

Ordenantza honetan araututako baimenen titular izateko, ezinbesteko izango da:
 - a. Ostalarien Gremioan sartuta dagoen eta publikoari irekita dagoen establezimendu baten titularra izatea.
 - b. Ondorio horietarako, Alkateari zuzendutako eskaera aurkeztu beharko du interesatuak, bertan honako datuak jasoko direlarik:

-Eskatzailearen izena eta deiturak, helbidea, telefonoa, NA, jardueraren izena eta kokalekua, EJZn alta emanda egotea, IFK.

5. art.Dokumentazio gehigarria.

1. Aurreko artikuluan aipatu den eskaerarekin batera ondorengo dokumentuak aurkeztu beharko ditu eskatzaileak:
 - a. Inguruko establezimenduetako titularren baimena, aulkiak eta mahaiak horien aurrean jartzen baldin badira.
 - b. Hartuko den lekuaren krokisa eta jarri nahi den mahai kopurua.

6. art.Ebazpena.

1. Ordenantza honetan eskatutako baldintzetan eskaera egin eta beharrezko txosten teknikoa izan ondoren eskuduntza duen Udal Agintaritzak ebatziko du legean ezarritako epeetan.
2. Txosten teknikoan, hala behar izanez gero, baimendutako instalazioaren baldintza zehatzak (non dagoen, okupa daitekeen azalera, mahai kopurua ...) grafikoki jasoko dituen dokumentua edo fitxa sartuko da.

7. art.Baimenaren baldintzak.

1. Jabetza-eskubidea salbuetsiz eta hirugarrenen kalterik gabe baimenak emandakotzat joko dira, eta ezin izango da horien aipamenik egin bere jarduerak gauzatzekoan onuradunak duen erantzukizun zibila edo penala baztertzeko edo gutxitzeko, eta ez du bere titularra salbuetsiko, hala badagokio, beste baimenak lortu behar izatetik.
2. Baimenaren dokumentuan instalazioaren eta elementu osagarrien baldintzak ezarriko dira, eta baita okupatuko den azalera, emakidak izango duen indarraldia, ordutegiak eta beharrezko ikusten diren beste alderdiak ere.
3. Udal Agintaritzak, behar bezala arrazoituz, baimendutako instalazioak herri-bidetik kentzea eta hori partikularren kargura izatea agindu ahal izango du trafiko egoerak, hiritartze-lanak, edo bizilagunek egindako arrazoizko kexuek edota interes orokorrekoak diren beste egoera batzuek (hala nola trafikoaren antolamendu, etab.) hori egitea beharrezkoa dela agintzen dutenean. Udalak baimen hori baliogabetzeko eskubidea izango du inolako indemnizaziorik ordaindu beharrik izan gabe.
4. Lizenziaren titularrak herri-bidean instalazioa jartzearen ondorioz sortzen diren kalteak konpontzeko obligazioa izango du.
5. Udal agintaritzak uneoro eskuduntza duen agintaritzaren aginduetara egon beharko du.

8. art.Indarraldia eta berrikuntza.

1. Herri-bidean mahaiak eta aulkiak jartzeko emandako baimenak behin-betikoak izango dira.
2. Mahaiak jartzeko lizenziaren eskualdaketak ez du tasarik sortuko urte bukaerainorako okupazioarengatik, baina bai eskualdatzaileak nola hartzaileak Udalari idatziz jakinarazi beharko diote. Jakinerazpenak, eskaeran azaltzen diren datu guztiak jaso beharko ditu.

3. *Jardueraren titularrak egiten duen herri-bidearen okupazioan baja ematen badu, Udalari jakinarazi beharko zaio, arrazoi horrengatik ez da dirurik itzuli beharrik izango.*

9. art. Instalazioaren titularraren obligazioak.

1. *Izaera orokorreko obligazioen eta Ordenantza hau ezartzetik sortzen direnen kalterik gabe, instalazioaren titularrak egoera onean eduki beharko ditu garbitasun, segurtasun eta apainketari dagokienez okupatzeko baimena eman zaion lurzorua eta instalazioa bera eta horren elementu osagarriak, horretarako baliabide guztiak erabili ahal izango dituelarik. Horren ondorioz, okupatutako jabari publikoa egunero garbitu beharko da eta mahaiak eta aulkiak jaso egin beharko dira egunero.*
2. *Mahai eta aulkien funtzionamendutik eta erabileratik sortzen diren lege-hausteen ardura instalazioaren titularrarena izango da.*
3. *Instalazioaren titularrak dagozkion tasak eta gainerako ordainarazpenak urtero ordainduko dizkio Udalari Zerga Ordenantzetan ezarrita dauden zenbatekoz eta hor adierazitako eran.*
4. *Mahaiak, aulkiak eta beste elementu batzuk kendu ondoren, ez dira erabilera publikoko guneetan pilatuko edo utziko, eta baimenaren titularraren ardura izango da okupatuta egon den lurzorua erabat garbi uztea. Salbuespen moduan, ekainaren 1etik irailaren 30era gune publikoetan pilatu ahal izango dira herri-bidean jartzeko baimena jaso duten mahaiak, aulkiak eta beste elementu batzuk, horrengatik Udalari jabari publikoa okupatzeagatik tasa ordaindu beharko dio, horrengatik ordaindu beharrekoa Zerga Ordenantzetan ezarritakoaren %20koa izango da baimena duen mahai bakoitzeko.*
5. *Baimendutako ingurura mugatu beharko du eta ez du inolako arrazorengatik hori gaindituko, bezeroek hori egitea ere eragotzi egingo du.*
6. *Eguzkitakoak jarritz gero, nahikoa pisu izango duen oinarri batez eutsita jarriko dira, zoladuran inolako kalterik ez sortzeko moduan eta erabiltzaile eta oinezkoentzat arriskutsuak izan gabe.*

10. art. Tasen Likidazioa.

1. *Zergaldia urte naturalarekin bat dator eta zergaldiaren lehenengo egunean sortzen da, hau da, urtarrilaren 1ean.*
2. *Iharduera hasiera nahiz bukaeretan, kibraketa proportzionalki egingo da, hilabeteka, alta edo baja eskariaren arabera.*

III. KAP.

ERREGIMEN ZEHATZAILEA

11. art. Udal-baimenik ez duten instalazioak edo baimeneko baldintzak bete ez dituztenak.

1. *Herri-bidean baimenik gabe jarrita dauden edo horren baldintzak betetzen ez dituzten mahaiak eta aulkiak kautelaz eta berehala kendu ahal izango ditu, eta horretarako jarritako lekuren batean utzi, legezko zehapenak jartzearen eta horiek kentzearen kostua ordaindu behar izatearen kalterik gabe.*

2. Baimenik gabeko instalazioak baldin badira edota horren baldintzak betetzen ez badituzte, eta horiek desmuntatu eta instalazio guztia kentzeaz gain, ondorengo zehapenak ezarri ahal izango zaizkio titularrari:
 - a. Ekonomikoa, indarrean dagoen legeriak dituen mugen barruan.
 - b. Establezimendua gaitasungabetzea Ordenantza honetan araututako baimenak etorkizunean lortu ahal izateko, gehienez bi urteko epean, egindakoaren larritasunaren arabera, eta hori metagarria izango da aurrekoarekin.
3. Instalazioa gerora legeztatuko balute, eta berriro hori gertatu ez balitz, edo udalaren eskakizunei eragozpenik jarri ez bazaie, zehapena ekonomikoa bakarrik izango da.

12. art.Espediente zehatzailea.

1. Ahalmen zehatzailea abuztuaren 4ko 1.398/93 E.D.k onartutako ahalmen zehatzailearen kudeaketarako prozeduraren Arautegian ezarritakoaren arabera gauzatuko da.

XEDAPEN IRAGANKORRAK

Lehenengoa. Indarrean sartzen denetik hilabete bateko aurrerapenarekin aurkeztu diren eskaerak Ordenantza honetan xedatutakoaren arabera erabakiko dira.

AZKEN XEDAPENAK

Lehenengoa. Ordenantza honen testu osoa Gipuzkoako Aldizkari Ofizialean argitaratu eta hurrengo egunetik aurrera izango du eragina. Bigarrena. Baimenak emateko eskuduntza duen Udal Agintaritzak berariazko baimena izango du Ordenantza hau interpretatzeko, zalantzak argitzeko eta garatzeko, administrazio prozedura arruntari buruz indarrean dagoen legerian araututako printzipioen arabera.”

BIDE PUBLIKOAN PASABIDEAK ARAUTZEKO ORDENANTZA

ARRAZOIEN AZALPENA

Espazio libreak gero eta urriagoak dira eta ibilgaluen trafikoa gero eta handiagoa da, horregatik bide publiko berriak eraiki eta daudenak moldatu egin dira. Horren ondorioz, 1993ko martxoaren 23an Gipuzkoako Aldizkari Ofizialean (Gipuzkoako Aldizkari Ofiziala) argitaratutako BIDE Publikoan Pasabideak Arautzeko Ordenantza aldatu egin da. Horrela, espazio publikoa hobeto aprobetxatzearen alde egin da eta, era berean, herritarren arteko bazterkeria egoerak saihestu nahi dira.

I. KAPITULUA

XEDAPEN OROKORRAK

1. artikulua. Ibilgailuen sarbidea

1.1. Edozein higiezinetara ibilgailua sartzeko espaloiak edo jabetza- eta erabilera-

publikoko bestelako ondasunak gurutzatzea beharrezkoa denean, edo ondasun horiekiko herritar guztiei dagokien erabilera pribatizatzea edo murriztapen berezia eragiten denean, edo sarbide horren lekuan beste ibilgailu batek gelditzea edo geldialdia egitea saihesten denean, sarbide hori soilik Ordenantza honetan ezarritakoari jarraiki eta bertan adierazten diren mugen arabera egin ahal izango da.

2. artikulua. Erabilerak

2.1. Erabilera soilik aldez aurretik Udal-administrazioaren baimena jaso eta auzia arautzen duen ordenantza fiskalari dagokion tasa ordaindu ondoren gauzatu ahal izango da.

3. artikulua. Iraungitzea

3.1. Ordenantza honetan xedatutakoa betetzen ez bada zigorrak ezarriko dira eta, hala badagokio, baimena iraungitzea.

4. artikulua. Pasabidea

4.1. Ordenantza honen arabera bide publikoko pasabide izango da, Udalak baimendutako erabilera komuna aldarazten duen oro, III. kapituluan adierazitakoak betetzen dituen eta higiezinetara ibilgailuen sarbidea errazteko ezarri dena.

4.2. Dagokion pasabidetik egiten ez den sarbide oro debekatuta geratzen da, bereziki arrapalak edo unean-unean elementu mugikorak instalatzea eskatzen duena.

4.3. Ibilgailua higiezinan sartzea beharrezkoa izan eta pasabidea eraikitzeko beharrezko elementuak instalatu ezin direnean, espaloirik ez egoteagatik edo antzeko beste arrazoiren batengatik, ordenantza honetako xedapenak aplikatuko dira analogikoki.

5. artikulua. Pasabide eta bide motak

5.1. Pasabideak honelakoak izango dira:

5.1.1. Iraupenari dagokionez.

5.1.1.1. Mugagabeak.

5.1.1.2. Mugatuak.

5.1.2. Erabilera-denborari dagokionez.

5.1.2.1. Ordutegiari dagokion murriztapenik gabea (24 ordu).

5.1.2.2. Ordutegi baten baitakoa.

5.2. Atxikitzen den eranskinari (1) jarraiki, bideak bi zonaldetan (A eta B) baneratzeko dira bertako edukiera, ibilgailuen iragaite edo ezaugarri geometrikoen arabera.

II. KAPITULUA

PASABIDEAK BAIMENTZEA

6. artikulua. Baimena

6.1. Pasabideak eraiki aurretik, eta haiek handitu, kendu edo murriztu eta haien bidez higiezinatarako sarbidea gauzatu aurretik, ezinbestekoa da Udalak ematen duen baimena jasotzea. Baimen horretan zehaztuko dira hurrengo artikuluetan aurreikusten direnak.

6.2. Ibilgailuak gordetzeko erabilera duten eta azalera eraikia 100 m² baino handiagokoa duten lokal berrietan, 165/99 dekretuaren arabera ematen den dagokion irekiera-espedientea izapidetu ondoren baimenduko da pasabidea.

7. artikulua. Pasabideeako titularrak

7.1. Higiezinaren jabeek edo legezko edukitzaileek pasabidearen baimena eskatu ahal izango dute, haren bidez sarbidea baimentzeko.

8. artikulua. Pasabideen baldintzak

8.1. Baimena eman ahal izango da, baldin eta ibilgailuak sartzeko higiezin horiek hurrengo ataletan adierazten diren xedea badute eta haientzat eskatzen diren betekizun eta baldintza zehatzak betetzen badituzte.

8.2. Pasabide mugagabeak eta ordutegi aldetiko murriztapenik gabeak (24 ordu) (iraunkorra).

8.2.1. Bizitegi-lurzoruan.

8.2.1.1. Arau Subsidiarioetan adierazten diren mailetan garaje-erabilerakoak direnak. Mota hauetakoak:

8.2.1.1.1. Etxebizitzara atxikitako familia bakarreko garajea.

8.2.1.1.2. Beheko solairuan edota sotoan dagoen garajea, etxebizitzara atxikitakoa.

8.2.1.1.3. Eraikin berezian dagoen garajea, solairu ugaritan edo lurrazpian.

8.3. Pasabide mugagabeak eta ordutegi bat jarraitu behar dutenak.

8.3.1. Bizitegi-lurzorua.

8.3.1.1. Hezkuntzazko eraikina edo ekipamendu komunitarioko instalazioak, esate baterako, ikastetxeak, institutuak, etab.

8.3.1.2. Ibilgailuak konpontzeko lantegiak eta erakusketa, salmenta edo konponketa

egiteko ibilgailuak sartzea baimendutako lokal komertzialak.

8.4. Aurrez ezarritako denbora duten pasabideak (urte 1) eta ordutegi aldetiko murriztapenik gabeak (24 ordu) (iraunkorra).

8.4.1. Bizitegi-lurzoruan.

8.4.1.1. Ibilgailuak gordetzeko xedez etxebizitza batera atxiki gabeko ibilgailuak sartzea baimendutako lokal komertzialak, eta azalera erabilgarria 100 m² baino txikiagoa dutenak edo gehienez 3 ibilgailurentzako tokia dutenak, Kale Nagusian kokatutako lokalen salbuespenarekin.

8.4.1.2. Ibilgailuak gordetzeko xedez etxebizitza batera atxiki gabeko ibilgailuak sartzea baimendutako lokal komertzialak, eta azalera erabilgarria 100 m²-koa edo handiagoa dutenak edota gutxienez 3 ibilgailurentzako tokia dutenak, A eta B zonaldetan.

9. artikulua. Pasabidearen ondorioak

9.1. Pasabidea izateko baimena jasotzeak, hala badagokio, aldez aurretik ordenantza fiskalean ezartzen den tasa ordaindu ostean, hurrengo ondorioak izango ditu:

9.2. Dagokion beheramendua eraikitzea ahalbidetuko da, IV. kapituluaren ezartzen den moduan jardunez. Horretarako, aldez aurretik obra txikietako lizentzia eskuratu beharko da.

9.3. Ibilgailuak higiezinaren sartzea ahalbidetuko da.

9.4. Baimenaren titularrak IV. kapituluaren adierazten diren betebeharrak guztiak betetzea eragingo du.

9.5. Aurreko paragrafoetan adierazten diren ondorio guztiak soilik pasabideak araudi honetan adierazten diren betekizunak betetzen dituenetan gauzatuko dira, bereziki 15 eta 16 artikuluetan ezartzen direnak.

9.6. Orokorrean, pasabidea baimendu nahi zaion lokalak ibilgailuak bertatik ateratzeko adina azalera izatea eskatu ahal izango da.

10. artikulua. Betebeharrak eta eskualdatzea

10.1. Pasabidea baimentzen denean, haren titularrak eta une bakoitzean higiezinaren erabiltzen dutenek (edozein legezko titulu izanik) baimentze horretatik eratorritako ondorioak bete beharko dituzte. Baimenean agertzen den titularrak IV. kapituluaren arauzuten diren betebeharrak bete beharko ditu.

10.2. Higiezinaren titulartasuna eskualdatzen bada, betiere haren erabilera aldatzen ez delarik, titular berriak eskualdatzaileari dagozkion eskubide eta betebeharrak hartuko ditu. Eskualdatze hori Udalarik jakinarazi beharko zaio behar bezala argudiatutako idazki baten bidez eta hari atxikita hori egiaztatzen duen agiria edo benetako kopia bat gaineratuko da. Jakinarazpen hori egin arte, eskualdatzaileak eta eskuratzailleak

baimenean agertzen den titularrari dagozkion betebeharrak eta erantzukizunak beteko dituzte lagunkidetasunez.

11. artikulua. Obren egikaritzea

11.1. Pasabidea eraiki, berritu edo kentzeko obrak baimenean agertzen den titularrak egingo ditu, udal-teknikarien ikuskaritzapean. Pasabidea eraikitzeak aintzat hartuko da araudi honetako 15. artikuluan ezarritakoa.

11.2. Higiezinak ibilgailuak gordetzeko helburua bete ahal izateko obra-lizentzia beharrezkoa denean, soilik helburu hori betetzeko obrak amaitzen direnean eta irekitzeko lizentzia eskuratzen denean ekingo zaio pasabidea eraikitzeari.

12. artikulua. Pasabideei dagozkien murriztapenak

12.1. Kasu hauetan ez da pasabidea baimenduko:

12.1.1. Lorategi edo zuhaitz betetako zonaldetan edo pasabidea eraikitzeak, gertu geratuko litzatekeelako, haiek behar bezala garatzea eta mantentzea oztopatuko lukeenean.

12.1.2. Eraikinen bazter edo alaketan. Pasabidearen ardatza gertuen dagoen bazter edo alaketatik gutxienez bost metroko distantziara instalatuko da beti.

12.2. Baimena emateari buruzko artikulua honetan aurreikusitako mugak gainditzen direnean eta gainditze hori eragiten duten elementuak kendu edo lekuz aldatuta muga hori alda daitekeenean, artikulua honetako 12.1.1 adibidean gertatzen den bezalaxe, Udal-administrazioak leku aldatze edo kentze hori adostu dezake interesatuen kontura, aldezturik, hala badagokio, dagokion kalte-ordainketa egin ostean.

13. artikulua. Ordutegiak

13.1. Pasabidearen ordutegia ipintzeko, kasu bakoitzean lokalari edota jarduerari dagozkion berezitasunak hartuko dira kontuan.

IV. KAPITULUA

BAIMENETAN AGERTZEN DIREN TITULARREN BETEBEHARRAK

14. artikulua. Titularren betebeharrak

14.1. Ordenantza honen bidez araututako baimenetako titularrek Kapitulu honetan eta dagokion ordenantza fiskalean ezartzen diren betebeharrak guztiak bete beharko dituzte.

15. artikulua. Pasabideen baldintza teknikoak

15.1. Pasabideek honako baldintza hauek izan eta bete beharko dituzte:

15.1.1. Ertzaren behearamendutik hurbilen dagoen lokalaren sarbideko eremuan gelditzea edo geldialdia egitea debekatzen duen lerro hori jarraia pintatu beharko da,

trafiko-seinale horizontala ere jarrita (laukizuzena eta barnean gurutzea duena).

15.1.2. Pasabidearen titularrak, atean, fatxadan edo dagokion eraikinean, plaka bat ipini beharko du seinaleztapen modura. Plaka horretan, gelditzearen debekuari dagozkion oinarritzko betekizunak adierazteaz gain, Alkatetzatik adierazten direnak islatu beharko dira. Plakan gelditzeko debekua iraunkorra edo ordutegi jakin baten baitakoa den eta debekua zein egunetan edo zein ordutan ezartzen den adierazi beharko da. Halaber, baimenaren erregistro-zenbakia islatu beharko da. Plaka hori Udalak emango du, alde zurretik dagokion tasa ordaindu ostean.

15.1.3. Ibilgailuen erabilerara bideratutako pasabideak espaloiak izango duen zolaketa bera izango du, baina gutxienez 15 zentimetroko lodiera izango duen zimendua izan beharko du lurzoru finkatuaren gainean, udal-teknikarien zerbitzuak ezarritako arauen arabera. Beti obra txikietarako dagokion baimena izan beharko da.

15.1.4. Itxitura-elementurik balego ezingo dira higiezinaren kanporalderantz ireki, - fatxada-lerroa zeharkatzen duelarik.

16. artikulua. Betebeharrak

16.1. Baimenean agertzen den titularrak pasabidean edozein motako obra guztiak egiteko betebeharra izango du, hark onartutako erabilera komun eta orokorra mantentzea eta egokitzea helburua dagoenean. Horretarako, Udalak egoki ikusten dituen konponketak eta aldaketak egitea agindu dezake eta titularraren kontura. Udalaren kontura soilik dagokion pasabidearen seinaleztapena (pintaketa) izango da.

16.2. Aurreko artikuluan aipatzen diren baldintzak egoera egokian mantenduko dira beti eta titularraren kontura izango dira hori gauzatzera bideratuako jardun guztiak.

16.3. 9. artikuluan ezarritakoaren kalterik gabe, pasabidean aurreko artikuluan adierazten diren baldintzak betetzetik eratorritzen diren gastu guztiak eta baldintza horiek mantentzekoak, pasabidearen titularraren kontura izango dira. Titular horrek Udalaren esku-hartzetik erator litzazkeen gastuak ordenantza fiskalean adierazten den moduan ordaindu beharko dizkio Beasaingo Udalari.

16.4. 8. artikuluan araututako baimena emateak, hartako titularrak galtzadan edo espaloian eragin izan ditzakeen kalteak konpontzeko betebeharra betetzea eragingo du.

17. artikulua

17.1. Pasabideetako eta higiezinetara ibilgailuak sartzera bideratutako eremuetako erabiltzaileek oinezkoen igarotzea errespetatu beharko dute derrigorrez eta, azken erabilera horri emango zaio lehentasuna.

V. KAPITULUA

BAIMENAK EMATEKO PROZEDURA

18. artikulua. Prozedura

18.1. Pasabidea baimentzeko eskaera horrela gauzatu beharko da:

18.1.1. Pasabidea eskatzeko instantzia beteko da horretarako aurreikusten den instantzian, bertan agertzen diren datu guztiak eman beharko direlarik.

18.1.2. Eskaera hori irekitzeko lizentzian edo aparteko instantzia batean egin ahal izango da. Azken horretan, Araudi honetan aipatzen direnez gain, aldez aurretik irekitzeko lizentzia eskatu den eta hori baldintzapean dagoen ala ez adierazi beharko da.

18.2. Edozein kasutan ere, pasabidea baimentzeko eskaeran honakoak barneratu beharko dira:

18.2.1. Eskatzen den pasabide mota (8. artikuluan xedatutakoaren arabera). Hura erabiltzea beharrezkoa den orduak eta egunak aipatuz.

18.2.2. Higiezinaren egoera. Pasabidea zein bide publikoaren gainean eraikiko den adieraziz eta, hala badagokio, onibar-zenbakia ere adieraziz.

18.2.3. Pasabidea eraikitzeko jarduera zehaztea. 8. artikuluan aipatu direnetako bat izango da.

18.2.4. Lokalaren dimentsioak eta espaloiaaren zabalera zehazten dituen krokisa aurkeztuko da. Era berean, eskatzen den pasabidearen zabalera ere adieraziko da. Halaber, lokalaren argazkia entregatuko da 10x15 zentimetroko neurrian edo formatu digitalean.

18.3. Artikulu honetan adierazten den instantzia eta dokumentazioa Erregistro Orokorrean aurkeztu ostean, hark udal-teknikarien zerbitzura, hirigintza sailera eta udaltzaingora helaraziko ditu horri buruzko txostena taxutzeko xedez. Hori guztiori, beharrezko ikusten denean bestelako zerbitzu batzuen eskutik informazioa jasotzearen kalterik gabe.

18.3.1. Udal-teknikarien zerbitzuak eta udaltzaingoak baimena ematea teknikoki nola gauzatu den jakinaraziko dute.

18.3.2. Ordenantza honen bidez araututako baimenetako baten eskatzaileari dei egin ahal izango zaio espedientean obrari dagozkion datu gehiago eman ditzan edo beste edozein helburutarako.

18.3.3. 18.3.1. paragrafoan aipatzen diren txostenak bidali ostean, Hirigintza Sekzioak ebazpenaren proposamena egingo du.

18.3.4. Pasabidearen baimena Alkate-Presidenteak edo eskumeneko zinegotzi-ordezkariek emango du.

18.3.5. Proposamenak aldeko ebazpena jaso ostean, espedientea Esku-hartze Sekziora helaraziko da. Haren bidez, ordenantza fiskalean ezartzen den tasa likida-

tzeko.

19. artikulua. Inskripzioak

19.1. Ebazpena eman ostean, pasabidea onartu ondoren eta espedientea artxibatu aurretik, dagokion Erregistroan inskribatuko da udaletxean horretarako gaitutako gunean.

19.2. Erregistroan inskribatu ahal izateko, baimen bakoitzari korrelaziozko zenbaki bat erantsiko zaio eta plaka batean islatuko da. Plaka hori, 15.1.2. artikuluan ezartzen duenez, manu hauek ezartzeko adierazitako moduan kokatu beharko da.

19.3. Orobat, pasabidea erregistratzerakoan higiezinaren egoera, zein helburu izango duen eta baimena ematean ezarri izan daitezkeen betekizun eta baldintza guztiak ere islatu egin beharko dira.

19.4. Udaltzaingoaren bulegotan eta Hirigintza eta Esku-hartze sailetan pasabide-erregistro horren kopia bat izango da, haren bidez ezartzen diren eskuduntzak gauza daitezen, araudi honetan araututako erabilerak bertan adierazten diren moduan gauza-tzen direla ikuskatze aldera.

19.5. Udaltzaingoak Alkatetzari eta Hirigintza Sekzioari IV. Kapitulan araututako betebeharrak ez betetzei buruzko informazioa eta, orokorrean, ordenantza honen arabera gauzatzen ez diren erabilera guztiei buruzko informazioa emango die.

VI. KAPITULUA

BAIMENAK
ZEHAPEN-ARAUBIDEA

INDARGABETZEA

ETA

20. artikulua. Iraungitzea

20.1. Ordenantza honen bidez araututako baimenak kasu hauetan iraungi egingo dira:

20.1.1. Ezarritako epea amaitu delako, erabilpen okerra izan delako edo berezko helburuarekin bat ez datorren beste helbururen bat hautematen delako.

20.1.2. Higiezinak baimena ematearekin bat ez datorren bestelako helburu bat izaten duen unean, baldin eta Udalak horretarako baimena ematen ez badu.

20.1.3. 15 eta 16 artikuluetan arautzen diren betebeharrak betetzen ez direnean.

20.1.4. Baimenak emateko ekitaldian ezarritako betebeharrak eta baldintza zehatzak betetzen ez direnean.

20.2. Ibilgailuak espaloia zeharkatuz sarbidea izatea ala ez izatea, edo pasabidearen izaera iraunkorra edo ordutegi mugatua izatea ala ez izatea Udalaren hautaketa izango da beti, eta edozein unetan ezeztatu edo indargabetu egin ahal izango dira, trafikoa antolatu beharra dela-eta edo udaltzaingoari dagozkion beste egoera batzuk direla-eta

horrelakorik gomendatzen bada.

21. artikulua. Iraungitzearen aurreko jarduerak

21.1. Aurreko artikuluan ezartzen diren arrazoiengatik baimena iraungi aurretik, dei egingo zaio baimenaren titularrari hilabete bateko epean hautemandako ez betetze-etan adierazten diren baldintzak bete ditzan. Eta ez betetzeak badirau, baimena iraungi egingo dela ohartaraziko zaio.

21.2. Udaltzaingoak Alkatetzari jakinazariko dio, horretarako ezarritako epea amaitu ostean, aurreko paragrafoan adierazitako betebeharrak bete diren ala ez.

22. artikulua. Pasabidea birjartzea

22.1. Baimena ezeztatu ondoren edo hura iraungitutzat jo ondoren, baimenaren titular izandakoak ibilgailuak sartzeko espazio hori jatorrizko egoeran utzi beharko du. Bide horretatik, iraungitzea edo berritzea emateko ebazpenean, hilabete bateko epea emango zaio titularrari artikulua honetan adierazten dena gauzatzeko.

22.2. Aurreko paragrafoan ezarritako epea amaitu ostean birjartzea gauzatu ez bada, udal-administrazioak betearazte subsidiarioa gauzatu du, obligaziodunaren kontura.

XEDAPEN IRAGANKORRAK

Lehenengoa

Ordenantza hau indarrean sartu aurretik emandako baimen eta lizentziek indarrean jarraituko dute.

Bigarrena

Ordenantza hau indarrean sartu aurretik aurkeztutako eskaerak, ebazpenik jaso ez dutenak, izapidetu egingo dira eta araudi honen arabera ebatziko dira.

AZKEN XEDAPENAK

Lehenengoa

- 1. Ordenantza hau «Gipuzkoako Aldizkari Ofizialean» argitaratu eta hurrengo egunean sartuko da indarrean.*
- 2. Indarrean sartu bezain pronto bateraezinak diren maila bereko edo gutxiagoko xedapenak indargabetu egingo dira; halaber indargabetu egingo dira ordenantza honen aurka doazenak.*

Bigarrena

Alkatetza-Presidentetzak eskumena izango du ordenantza hau behar bezala interpretatu eta aplikatzeko beharrezkoak diren agindu eta jarraibideak emateko; bereziki, ordenantza indarrean sartu aurretik emandako lizentzia eta baimenak hartara

egokitzeari dagokionez.

XEDAPEN INDARGABETZAILEA

Ordenantza hau indarrean sartzearekin batera 1993ko martxoaren 23an Gipuzkoako Aldizkari Ofizialean argitaratutakoa indargabetuta geratuko da.

1. ERANSKINA.

A ZONALDEARI DAGOZKION BIDEAK

Kale Nagusia.

Jose Migel Iturriotz Kalea.

Jose Martin Arana Kalea.

Nafarroa Etorbidea.

San Inazio Kalea.

Joan Iturralde Kalea.

Zaldizurreta Kalea.

B ZONALDEARI DAGOZKION BIDEAK

Udalerriko gainerakoak.

8.- ZINEGOTZI KARGUARI UKO EGITEA: Garbiñe Zurutuza Fernández.

Ezagutzera eman da, Beasaingo EH BILDU udal taldekoa den, Garbiñe Zurutuza Fernández andreak 2018ko apirilaren 17ko datarekin, aurkeztutako idatzia zinegotzi karguari uko egitearena, hots:

“GARBIÑE ZURUTUZA FERNANDEZ andrea eta EUSKAL HERRIA BILDUren (EH BILDU) zinegotzia naizen honek, 2015eko ekainaren 13tik egungo Korporazio osatu zenetik, honen bidez zinegotzi karguari uko egiten diot, osasun arrazoigatik ezin dudalako karguaren obligazioak behar bezala bete eta behar duen dedikazioa eskaini.

Nire kargu uztea onartu eta izapidetu dadin dagokion eskaera hurrengo izangaiaren alde kredentziala emateko, honekin batera doa ondasun eta interesen aitorpena idatzi hau sinatzen datarekiko nahiz errenta aitorpenaren azken agiria.”

Alkate jaunak hitza eman ondoren, Garbiñe Zurutuza Fernandez andreak eskerrak eman ditu eta agurra luzatu du.

Aho batez errenuntzia onartu egin da.

9.- ALKATEAREN EBAZPENAK: 2018ko martxoaren 22tik 2018ko apirilaren 21era bitarte emandako Ebazpenak.

Ezagutzera eman dira, 2018ko martxoaren 22tik 2018ko apirilaren 21era bitarte Alkateak emandako Ebazpenak.

10.- ESKAERA ETA GALDERAK

Eskaera eta galderen atalean, hauek aurkeztu dira:

HIZKUNTZA ESKUBIDEAK

Zezenia Herrador Garin andreak (Beasaingo EH BILDU): “Garbiñek aipatu duen bezala, azkeneko kultura batzordean gure hizkuntza eskubideak urratu ziren eta horregatik batzordea utzi egin genuen. Gure ustez gertatu zenaren inguruan gutuna idatzi nuen (pentsatzen dut batzuk irakurriko zenuela). Gutunak honela dio: gaurkoan ere euskararen erabileraren inguruko eskubide urraketa bat salatzea gatoz. Tamalez ez da berria gure udal honetan gertatzen ari dena, bilera eta batzordeak izan ditugun guztietan pairatzen dugun egoera da. Euskaraz hitz egiteko dugun eskubidea zanpatzen diote behin eta berriz, gazteleraz hitz egiteko eskubidea aldarrikatuz. Gure udalerriko alderdi sozialistaren ordezkaria den Santi Urdanpilletak behin eta berriz aldarrikatzen eta exijitzen du gazteleraz egiteko bere eskubidea. Esan beharra dago dagozkion azalpen guztiak ematen zaizkiola gazteleraz aurretik euskaraz azaldutako gaien inguruan. Azkeneko herritarrak batzordean, joan den astekoan, azalpenak emateko garaian teknikaria gazteleraz ari zela eta, euskaraz egitea eskatu genion. Zein izango aipatutako zinegotziaren erantzuna eta, “*¿en castellano que no me entero! Si no, abandono la comisión!*”. Egoera horren aurrean EH BILDUKo ordezkariak batzordetik alde egitera erabaki genuen. Dozena bat pertsona geunden bilera batean, bakar baten exijentziagatik guztiok, gurea ez den hizkuntza batean batzordeak jardun behar badu, gure eskubideak urratzen ari direla uste dugu eta hasieran esan bezala behin eta berriz ematen den egoera bat da hau. Ez dugu uste informaziorik gabe geratzen denik, azalpen guztiak bere hizkuntzan errepikatzen bait zaizkio. Baina, hizkuntzarekiko duen begirune eza eta jarrera aldakorra salagarriak iruditzen zaizkigu eta baita gobernuan dagoen EAJren aldetik dagoen erreakzioa ezta ere. Uste dugu badugula gaiari irtenbidea emateko garaia. Bitartean, guk gure hizkuntza erabiltzen eta defendatzen jarraituko dugu, orain arte bezalaxe.

Zuek ere badakizue gertatu zaigulako behin baino gehiagotan, gai horren bueltan giro txarra sortzen dela batzordean eta uste dugu neurri batzuk hartzeko garaia ba dela. Gure sentsazioa edo ni behintzat beti sentitzen naiz zapalduta. Bere esubidea izango da, baina ez ditzala nireak zapaldu.”

Alkate jaunak (EAJ-PNV): “Ni ez nintzen batzorde horretan egon, Nik nire iritzia emango dizut. Batez ere, kanpoko jendea ekartzen denean, ez dakit nola definitu ere, hau da, ados ez egon egoera batekin eta altxatu eta alde egitea!. Niri errespetu falta bat iruditzen zait batez ere, kanpotik datorren jendearentzat. Esaten duzu eta aipamenagatik, guk ez dugula ezer egiten, nahiz eta hasieratik eskaini bat-bateko itzulpengintza eta berak esan zuen bere burua ez zuela ondo ikusten hori egitearekin eta ez zuela erabiliko. Horrez gain, hizkuntzarekin egiten dugu egin behar dena gure ustez, hau da, sestra politikotik atera hizkuntza ahal dela eta eskatu hitz egin behar

duenari eta teknikoei, noski, bi hizkuntzetan azalpenak ematea. Hortik haratago, nik uzten dut soberan daudela hartzen diren edozein neurri. Nik dakidanez, teknikaria bi hizkuntzetan proiektua azaltzen ari zen. Hortik haratago ez dakit zer egin dezakegunik, baina berriz esango dut. Niretzat errespetu kontua ere bada, kanpoko jendea datorrenean altxatu eta alde egin.”

Zezenia Herrador Garin andreak (Beasaingo EH BILDU): “Errespetu kontuetan, sekula ez dut entzun norbaitek esan dioenik guri errespetua falta digula bere jarrerarekin. Esaten da kanpoko norbait datorrenean, beti dago aitzakiaren bat!. Sekula ez dut entzun norbaitek belarritik tira egiten dionik. Arazoa berea da eta denok eramaten gaitu bere bidetik. Errespetu falta handiena, uste dut, berea dela, baina sekula inork ez dio horregatik ezer esan. Kontua ez da euskaraz edo erdaraz egiten dugun, da jarrera kontua. Zuek hori oso ondo dakizue. Ondo baino gehiago.”

Garbiñe Zurutuza Fenandez andreak: “Askotan errepikatu den zerbait da.”

Xabier Matarranz Rico jaunak (EAJ-PNV): “Aurreko batzordean zuek alde egin baino lehenago, momentu batean esan nizuen pixka bat egoteko. Berak egindako erreklamazio horri, Garbiñek eskatu zuenean euskaraz egiteko, nik uste dut ondo erantzun niola, hau da, nik esan nion: Santi, la pregunta la han hecho en euskera y tienen derecho a que en primer lugar se les responda en euskera. Hori lehenengo gauza. Bigarrena, zuek alde egindakoan nik eskatu nion bertako teknikariari aktan jasotzeko zein momentutan zuek probokazio baten ondorioz, utzi zenutela batzordea. Hori ere grabatuta dago.”

Garbiñe Zurutuza Fenandez andreak: “Nik uste dut nabarmena dela gai honek guregan sortzen duen kezka. Hiru urte daramatzagu eta egoera deserosoa ez, hurrengo izaten ari da. Arrazoia du Aitorrek azkeneko batzordean kanpoko pertsona bat zegoela tartean, baina azken aurrekoan, ez. Nik errespetatzen dut, noski, pertsona batek erdaraz hitz egitea eta dokumentazio guztia erdaraz jasotzea, baina nire hizkuntzarekiko errespetua non geratzen da?. Bere jarrera, bortitza, biolentia da eta onartezina da. Uste dut irtenbide bat eman behar diogula berehala. Plenoan euskaraz egin ahal izateko aurrera pausoa eman genuen eta bat-bateko itzulpena egiteko ekipoa erosi zen. Gure asmoa zen euskaraz jardutea udaleko batzorde guztietan eta gobernu batzordean, ez bakarrik plenoan. Hori egitea ez da horren zaila eta udalak onartzen badu, pertsona horrek onartu egin beharko du, hala?.”

Alkate jaunak (EAJ-PNV): “Euskaraz ez dakienak ezin du euskaraz egin. Lehengo legegintzaldian zuen artean bazegoen zinegotzi bat euskaraz ez zekiena eta batzorde guztia erdaraz egiten genuen. Aldiz, euskara batzordea joaten ginen eta dena euskaraz egin behar zen. Euskararen kudeaketa ez da erraza, baina ez da erraza inorentzat. Zuei tokatzen zaizuen eta tokatu zaizue bat-bateko itzulpena jarri eta zuen zinegotziak euskaraz ez jakitea!. Zerbitzu batzordea goitik behera erdara hutsean zen. Horrek zein kudeaketa du?. Hori hizkuntza arazo bat da eta ez alderdi politikoena, Gurea edo zuena egitearena, iruditzen zait hizkuntza joko politikoan sartzea dela eta ez nago horren alde.”

Garbiñe Zurutuza Fenandez andreak: “Oraintxe bertan zuk sartu duzu.”

Alkate jaunak (EAJ-PNV): “Horregatik, ari zara esaten guk kudeatu dugun bezala...”

Garbiñe Zurutuza Fenandez andreak: “Esan dizudan gauza bakarra da, aurreko legegintzaldian eta gu jabedun izanda pertsona bat genuela hizkuntzarekin arazoak zituena, azkeneko urtean erosi zela bat-bateko itzulpena egiteko ekipoa. Adierazi dizut zein zen asmoa. Oso azkarra zara pelota beste alde batera botatzen. Nik esaten dudana da gaur egungo egoera zein den. Ba dago beste zinegotzi bat ere zuen taldean dagoena erdaraz moldatzen dena eta ez dago inolako arazorik, bere jarrera ez delako berdina. Berririo errepikatuko dut. Jarrera arazo bat da eta jarrera hori guztion artean aldatzen saiatu beharko ginateke. Oso zaila da, noski, baina ni deseroso sentitzea euskaraz hitz egin nahi dudalako, oso larria da!”

Zeilia Herrador Garin andreak (Beasaingo EH BILDU): “Lehen esan dut ez dugula inolako arazorik bakoitzak nahi duen moduan komunikatzeko. Aroa ez da hori, baizik eta hizkuntzarekiko dagoen jarrera eta zein exigentzi maila eta askotan, tonua. Zuk aipatu duzu gure taldean ba zegoela zinegotzi bat. Badakigu baina, bi pertsona horien eta zuen taldean dagoen erdaraz egiten duenaren jarrerak ez daude alderatzerik. Gure taldeko pertsonarekin eta, gainera momentu honetan ez dago, eta akaso ez genuke hitz egin beharko, eta zuen kidearekin gai horrekiko ez da sekula arazorik izan gai horren bueltan. Pertsona honekin, ordea, batzordea joan eta batzordea etorri, beti matraka berdinarekin gaude, edozein gaiaren inguruan hitz egiten ari garen kontutan izan gabe.”

Alkatea jaunak (EAJ-PNV): “Nik erantzun nahi izan dudana da, lehengo legegintzaldian Garbiñek esan duenean “*kudeatu genuela*” eta ekipoa erosi zela, horri erantzun nahi izan diot. Ez nuen pertsonalizatu nahi izan. Esan nahi dudana da hizkuntzaren trataera ez dela erraza. Jarreraz gain, borondaterik ez dagoenean, alferrikakoa da.”

Santi Urdanpilleta Dos Santos jaunak (Socialistas Vascos-Euskal Sozialistak): “No sé si deberían de recoger las manifestaciones de Garbiñe, ya que no es concejal. Lo pregunto porque no lo sé. Zeilia, vosotros entiendo que tenéis una sensibilidad con el euskera y yo lo acepto, pero me llama mucho la atención porque vosotros queréis hablar en euskera pero no aceptáis el castellano. Eso desde mi punto de vista es bastante bajo. Ya que has hablado de un concejal, decir que todos los concejales de BILDU, tampoco tienen en este Pleno el mismo comportamiento. En este caso, tú.

En cuanto a la provocación a la que se ha referido el presidente de la comisión, estoy especialmente molesto con él porque es cierto que él hizo alusión a que se recogiera en acta que era una provocación, pero yo también quise que quedara constancia en acta que el PSOE, en este caso yo, me he tenido que levantar muchas veces de la comisión a cuenta de vuestras provocaciones y si que echaba en falta, de alguna manera, la queja del presidente de la propia comisión de que quedase reflejado en acta. Yo no sé si tenéis aquí una batalla por ver quienes figuran como abanderados del euskera, quienes son los que más lo defienden, etc. Creo que esto está adquiriendo una magnitud que no debiera. Yo he hecho lo que ha estado en mi mano y jamás he ido en contra del euskera e incluso he hecho esfuerzos para contribuir en actos y demás. No tengo mucho más que decir salvo que no deberíamos de hacer más populismo a cuenta de esta historia.”

Zeilia Herrador Garin andreak (Beasaingo EH BILDU): “Esaten duzunean askotan alde egin behar izan duzula batzorderen batetik, izango da gogoia eman dizulako zeren eta sekula ez zaizu itzuli gabe ezer utzi. Orain egin duzun

interbentzioarekin, uste dut, denoi aurpegira barre egiten ari zela edo bestela ez duzula ezer ulertu.”

Eta tratatzeko besterik ezean, bilera arratsaldeko zortzietan amaitu da eta nik, idazkaria naizen honek, akta hau idatzi eta sinatu dut.